

寒 爛 尚 呈 詩 草



89379

松心廬詩草自敘

松心廬詩者予自丁卯歲以所作詩另編爲集以別於拙

學復魁諸集者也生雖卑賤既獲用於時醜然任宦顧於

古人政績行事未能仿其萬一而區區徒事咏吟冀或一

當吁其可愧已雖然予之爲詩誠有大不得已於中而姑

作此以寄意者當宦滇黔間盜賊蠭起滋蔓已甚至子身

遠仕顛危困窮瞻望故鄉曾無以盡其私愛又憂讒畏譏

苦心低首終不能齷齪污就效穿窬之行更弗能狂暴恣

睢投當道之好則惟古人與稽陶寫抑鬱載筆謳歌是詩

所爲有託而言者也拙學名編以志予拙繼之復魁以遭

冬榮堂集

松心廬詩草自敘

大難而不死今即松心顏其廬殆將老焉莫之或易已夫

士大夫抱特然獨立之操無可撓之節歲寒後凋挺挺拔

俗予蓋從仕十年歷塊萬里心焉嚮慕其爲人將終於名

山偃蹇中遇之茲集之託殆有銘諸寸心而永矢勿諉者

顧可爲外人道乎因述所以名松心之意即以自敘予詩

明予志也他則不敢知也

同治六年歲丁卯秋八月朔臨桂廖鼎聲書於滇瀘西官

廨之五桂樓

冬榮堂集

松心廬詩草卷一

臨桂 廖鼎聲 金甫

丁卯

感遇二首

灼灼天桃花當春何繁縟亭亭古松枝經冬挺寒玉以彼  
萬物情砭我塵慮俗讀書良不惡味道慎知足陶然方寸  
中何事可凌觸

孔雀愛其毛曳尾適所向百舌巧以聲凌空發清唱予心  
默未許天真得无妄傍得山澤間雲霄鬱四望擇地仍飛  
鳴識微出高亮

冬榮堂集

松心廬詩草卷一

讀水經注憶昔年所涉河津偶得二首

大河天下中東來幾萬里探源入星宿片石遺漢使浮槎  
浩茫茫日射波光紫

右黃河

重湖疊青草一棹萬里色大地懷山陵微窪出郡國神鴉  
近人飛眾帆隨汝翼

右洞庭

振喬歸粵繞道蜀楚詩以示之

滇粵原唇齒川湖繞道行春風吹草綠別緒滿邊城詩入  
千山思人真萬里程此時歸正好努力爲平生

書懷寄兄

久離相憶轉無詩聚首堂星定幾時四壁青山懷故里一  
官白髮待新知病須調護年來憤書報平安寄莫遲東望  
此心雲在嶺露華應長桂林枝

寄內

拋離已是十年餘只有情親一紙書老尙未歸愁杜甫官  
無可戀悔相如籌量松菊呼兒問領略芩連共汝初淚眼  
欲穿迴白首飄然身世願樵漁

憶梁姬

相思愁靡極不是爲情多真識匏瓜繫堪憐桃葉歌翠眉  
低宛轉白日去蹉跎天惜勞人意雲山待我過

冬榮堂集

松心廬詩草卷一

二

憶故園親友

親故無消息青山盼客歸幾年走兵革雙淚溼朝衣祗益  
詩篇進終慙志意違救時空爲許家室計還非

寄寶珊兄楚南兼憶禾雲兄南甯學署

相別十三年相親意惘然滇雲多歲月楚國靖烽烟各自  
哀遲感欣聞繼起賢

聞兩兄膝下諸姪皆已成名

棣華偏益茂心羨廣

文壇

寄瀚兒

汝莫矜文譽科名亦世榮但須明素志且得慰親情書到

溟人遠春生嶺桂清白頭相望切征騎有離聲

桂樹篇

桂樹團團在何所香風吹送明月渚明月百四十回圓美人清謳亂心緒平生懊惱才麤疏朝衣不佩金鯉魚停辛待苦天未遠一身孤子愁猿狙舉首驂鸞本尺咫戈矛滿眼等萬里要尋青精與黃獨飢驅疾病亦老矣招隱年去未能橫行闊視山千層願借雲車引歸路發聲長嘯如孫登

豔歌行

女龍雌鳳吁可憐孤鴻獨鶴心魂牽夫君娉婷一萬里青

冬榮堂集

松心廬詩草卷一

三

春弄色空嬋娟蓮葉東西復南北蓮房墜粉藕絲直團團如月扇搖風夜漏深沈軟無力迢迢牽牛望織女耿耿明河亂衣杵杵聲催起霜華清欲往相從定何所淚痕拂拭紅闌干堅赤難奪浩然歎歲晚梅花香到骨焦桐膝上爲誰彈

春日署齋雜感十首

落拓風塵裏蕭然此獨吟勞人偏薄宦節物自天心業有文章在春歸歲月深悠悠情不極何處問知音  
早識鞢韞誤蹉跎髻已斑輪蹄多歷塊疢疾未開顏對酒能歌嘯看雲一往還眼前攘臂歎長劍倚天闕

窗外小桃紅垂簾一望中陰晴含日雨離合度山風樹密  
愁如鎖燈寒夢爲通衰遲應慰我且作信天翁

中夜鵲鴿感白頭兄弟情在高原自好出岫亦何成京華  
憐分散鄉園計合弁十年如一瞬深海爲浮名

每憶家人淚纏綿欲別時低頭渾不語揮手竟何之客累  
黃金盡天心白日私莫嗟春晚晚霄漢若爲期

客中兒已大別去更愁牽蜀月千尋峽湘波百尺船春暉  
留愛日家法有新篇早掇科名草無爲讓後賢

漂搖已萬里兵革況邊州家近歸何日時艱動古憂看花  
前度眼垂雪老夫頭辛苦論生事 皇威盼遠謀

冬榮堂集

松心廬詩草卷一

四

安危大臣繫雪涕望師門

春初辛階制府師以疾薨於位

自爾羣奸懾方

知 朝命尊星芒倏夜隕蠻徽盡聲吞春草無情碧銘旌  
欲斷魂

友朋殊可樂無以慰羈孤老涇青衫淚狂逢白眼徒鷺鷗  
思作伴牛馬任相呼休道人皆醉予今一腐儒

向人聊自喜意氣不能低官閣親詩卷軍聲厭鼓鼙志仍  
存老馬談欲共荒鷄失粲清謳發韶華任取攜

題春江泛棹圖

淼淼綠波痕冥冥遠棹喧桃花紅兩岸石壁翠千門畫裏  
人曾記吟邊境可捫得歸心羨煞何必武陵源

偶成

沒世名宜惜平生善善箴傳人惟借口古道必銘心和氏  
懷中璞成連海上琴愛才知己感一樣淚痕深

寄黎達甫滇垣時聞又將歸粵窮旅勞人覺多此一  
出爲可慨兼以寫予意也

四海君才最清絕憶君往事不堪說通泉豺虎橫食人君

行獨與故知別

謂昔年君牧馬龍州事

黔國鄉關經七春再來滇海

仍逡巡可憐蘇季黃金盡終愧相如作賦貧

君去黔旋粵七年仇驥今

復至

嗚呼丈夫不合抱奇骨志大言高感白髮牢愁似我

成蠹疎池困蛟龍倍咄咄聞道歸途又發軔低首卑官氣

冬榮堂集

松心廬詩草卷一

五

弗振灘山此去深復深嘯鶴啼猿多問訊問訊窮邊齷齪

徒黃塵烏帽空嗟呀一吟招隱神先往濁世翩翩今有無

遲達甫過宣署不至復寄書滇垣聞已與里人龍真

木雜植

刺史行矣兼寄龍

遲君能來望經月君竟冥飛何時發飄雲隨風過遺渚綠

波萬頃鷗鷺沒閒有心知故國賢偕來攜手去倉卒

君與貞木

同至滇貞木赴南安牧任不半月遭忌而罷遂決計同歸

此行勇退思煞人我獨何居

虎狼窟嗚呼自我宦游星已周每瞻百粵多煩憂後者先

歸仍留滯龍君我兼妬爾蛩蛩巨虛真前修回首羈樓愁

白頭

補作論粵西人詩絕句十七首

科名五桂仰先型二陸尤傳姓字馨福地記曾歌太守天

留此老應文星先伯曾祖華舟公 先曾祖素圃公

小紅按拍譜音聲別有風流萬古情老去米家書畫舫可

憐烽火泣秋城先叔祖香雪公

回首伊江萬里馳鹿鳴重赴歲寒姿才人傲吏天多眷歸

老長安住幾時從伯墨齋先生

寒松比節錦論文遺世清標孰似君達宦京朝仍苦學九

天咳唾落傳聞卿祖培

秘書讀後換琴堂意氣元龍走八荒岱頂潼關佳什在未

冬樂堂集松心廬詩草卷一

六

妨聲調學漁洋李佩蓀

容管青箱世業傳梅舟繼起亦翩翩山人署號仍都嶠莫

誤王君贖集編覃武保 附覃翊元

短句流傳俠客行暮年修養道心貞二黎風雅徵同調潭

水桃花何限情汪運 黎文田 黎炳麟

游戲文章亦偶然武陵不見有詩傳平生傲兀心希古曾

和曹唐大小篇涂瀛

宋明以後談宗法老屋深燈興不凡兩載因依邊徼遠琵琶

琴吟苦爲青衫黃璧

挹蘇晚出亦玉施神勇真如搏兔獅惆悵琴言空紫竹荒

江碧血賸清詞

施影文

絳芸憂老臥霞貧著述千秋自等身獨肯低頭拜忠武吟

成梁甫亦精神

梁懿藏

潘 晬

詩學龍城弟子多微官垂白漢關河洞庭落木西風裏猶

見歸帆一片過

李炳南

清才弱冠輯羣書識語淒涼說繫廬一樣神傷彈絕調絳

帷風致更何如

許嵩齡

朱潤藻

唱酬孤館對西風作賦歐陽又許同黃葉青山多旅思秋

墳淒絕暮原空

黎中敏

歐陽斌

少游湘北宦湘南香草詞華綺麗探畢竟盛唐風味減枉

冬榮堂集

松心廬詩草卷一

七

開賓館錄鸞驂

閔光弼

萬言忠愛罷朝官全韻詩篇付講壇不市時名終不朽一

生風義挽狂瀾

蔣 堯

疎狂酒國愛天真父子耽吟肆未醇卻憶君家嘲飯顆終

輸一席杜陵人

李光瀛

李肇元

編論詩絕句成自題二首

百首英靈采未周遺音珠玉幾人留請看王呂風流絕誌

乘空聞姓氏收

王世則

呂調陽

鄙說如何耳食論江山一局變中原來青老友空孤憤欲

闡幽光要不煩

自東粵倪君有江山一變中原局詞賦何無蓋代才之句人多不平其言吾友周熙

橋大行尤深以爲恨來青  
閣者大令自署其集名也

偶檢行篋得都中舊友贈答各詩感題三什

京國吟踪記往年  
薊門煙柳繫情偏  
馬曹官竟邊隅老  
駿足人爭得路先  
臺上黃金說士枕  
中鴻寶已成編  
蒼茫無限相思意  
落月依依爲惘然

燕北曹南吾二友  
精金粹玉不凡材  
謂補帆少村照人冰鑑神

先朝坐我光風襟  
爲開自別衣塵感  
緇素何因尺簡一  
低徊眼中商畧平生事  
猶記說詩匡鼎來

倏然頭角走天涯  
萬里戎裝拂劍花  
賸有閒情鷗外寄  
從無遠信雁邊斜  
英雄失路空蕭瑟  
名士工愁豈怨嗟  
檢點

冬榮堂集

松心廬詩草卷一

八

心知獨惆悵不紆朱紫託棲霞  
于仙洲時爲棲霞校官

懷春原濟南

十年相別一書無  
地北天南影自孤  
失路我今同阮籍  
閉門君定著潛夫  
半城水碧疑浮寺  
千佛山青欲過湖  
如此風光足瀟灑  
故人憶否滯邊隅

出郭曉望

河色朝來白城頭  
烏正飛涼風侵客坐  
坐初日射人衣宦拙  
宜無事年深猶未歸  
偶然值田父情話一依依

倚闌

一度又春殘  
光陰乍倚闌  
竹饒新種活  
花在異鄉看  
庾子

小園賦陶公三徑歡悠然如爲借人事許相寬

園中小步

嫩涼初夏日圍圃欲過頻掃逕花迎客開簾鳥趁人風聲  
雲外響月色雨餘新賴有心知契終焉慕隱淪

新綠

夏雨潛滋綠漸生春風先爲滿江城蔭人樾茂胚胎長巢  
鶴松高氣象清歸路湖南天正遠夢魂池上句應成化工  
如許栽培意莫對殘紅感世情

寓歎二首

十年不調身如謫終歲讀書有何益紛紛要職蠅逐羶識  
冬榮堂集 松心廬詩草卷一 九  
字今朝出下策我曹一命由明廷措大咄咄多於鯽宰官  
亦用迂生輩損威失明慮可惜

赤日耀空天宇明維南萬里合輝晶衣裳起著夢顛倒合  
雖炎夏仍淒清我欲焚書棄筆視向人大笑冠長纓明發  
剡章奏天子志饗語壯真名卿

表叔陽玉農刺史

秉鵬

殉節江西逾十年初不識其

死時狀會有江右同官晤於今日述其帶兵援義甯  
兵敗爲賊所得旣窺其虛實乃給以能使城降與賊  
渠並馬至城下而告城守者以賊隙可乘數事賊憤  
殺之城陷刺史某亦死吁若是其智且烈也補作二

詩哭之

年少馳驅京國名文章意氣兩崢嶸略如義烈王忠植誰  
道疎狂阮步兵百戰孤軍嚴鼓角雙江千里泣銘旌蒼茫  
我更懷先德宅相曾誇異日成

馬頭叱咤勵雙忠智勇助名死亦雄才筆九州原畫日壯  
懷一舸憶乘風衰榮 丹詔多時降慷慨清尊往事同夜  
話幸傳君氣節補吟依舊淚橫空

嘗擬建祠里中祀忠義諸人兼及前明之死節者意  
補昭忠之未及也預題一詩

五百年間萃粵英山河正氣自錚錚九原疑聚忠魂語三

冬榮堂集

松心廬詩草卷一

十

管兼收勝國名蘊藻蘋蘩將禮意枌榆桑梓勵艱貞邇來  
筆下勤搜訪不是低徊舊雨情

讀漢紀懷古三首

四百開基起大風興王歌嘯亦英雄雲橫芒碭真人氣冥  
敵鴻門壯士功不待金刀符異讖可憐玉斗效孤忠夜行  
衣綿紛紛計置酒何如飲沛宮

中興勛業壯雲臺一笑新朝事易灰雷雨昆陽天意在客  
星帝座故人來金吾豈計承先緒火德終昌此茂才千古  
花帔餘艷蹟無萋亭下首應回

父子梟雄真勅敵君臣魚水竟偏安銅臺歌舞當塗盛劍

閣旌旗創業難白帝只今餘怨憤樓桑往日自孤寒爲憐  
忠孝謔瞻在猶作炎劉社稷看

憶振喬當至里門矣里中英奇不乏勤學盖少詩寄  
喬使知所友也

汝行楚蜀滇黔遠如此江山何限情老眼望穿書一尺古  
懷坐對月三更交於淡處方能久業到勤時自許成寄語  
鄉關才俊士肯從拙學叩心聲

振喬歸里後嘗入都供職復作此以寄

且向金臺作壯遊微名何以慰千秋武鄉澹泊惟明志萊  
子歡娛漫解憂于祿固知妨正學養心依舊足良謀緇塵  
冬榮堂集  
松心廬詩草卷一

十一

莫染書仍讀猶勝銅章領一州

北樓晚眺

北樓高數仞平挹萬重山天落黃河小宜有水名小黃河日斜青

澗灣酒憑澆磊塊劍欲倚松關不用愁邊瘴長空任鳥還

枕上

枕上人無寐淒其月色清身孤頻就影漏寂不聞聲遂有  
平生感如何永夕情近牀窺匣劍微聽夜深鳴

聞道

聞道干戈際何時收賊州軍如九節度令出眾諸侯低徊  
壯士死慷慨老夫憂邊城歎未已江水日東流

關壯繆畫像

孔門方季路漢室表將軍不有心如日焉能義薄雲鬚眉  
瀟萬首髀肉慨三分天意炎劉祚麒麟豈足云

卽事三首

行行欲何適跨馬西郭門我居山城小殘寇猶深村昔年  
領此州不死身幸存今日方謂安再來聲又吞抽丁旣云  
急轉饜仍多煩二役責一夫號令嚴且尊忝焉牧羊羊芻  
粟難具論

昨聞渝河師一戰萬夫潰死者獨孤兒我民在其內曩昔  
稱熊羆花門勇無對何圖志意衰失機卽此輩古時名將

冬榮堂集

松心廬詩草卷一

三

風忠義詎可廢倉皇逼邊要射卧猶憤憤迂生識人情默  
慮愴肝肺

武人橫恣唯厥心只利謀飯飽厭梁肉衣煖思狐裘嗟哉  
蒸民苦幾載愁無鳩眼前事耕鑿隨處舍戈矛鱧魮兼豺  
狼紛然盈道周安得使汝盡奮威實仁柔種禾先去草鋤  
蔓方生蕞

由宣威取道曲靖入廣西州得詩四首

草花紅溼雨初收客路新涼易感秋此去勝峯應識我八

年前事憶卽州

予別曲  
靖八年

城郭逶迤古六涼爨君碑碣問滄桑

行過  
陸涼

夜深月色明於

水夢裏驚聞戍角荒

白雨珠跳勢趁人盈盈衣帶竟迷津眼看清水流仍濁棘

道崎嶇感又新宿清水溝相距咫尺天大雨電河水暴漲幾至漂沒

鄉語分明記廣西雲山何處望淒迷宦情只益懷遙切桂

樹團團碧月低州署有五桂樓因以名焉時花已盛開景爲最勝

### 途中漫興

古驛荒涼色征途偃蹇心天容隨地遠雲影落山陰見說

瀘川路終通粵嶠岑何時賦歸去悵望九華深

瀘西受篆後感作贈前刺史武緣黃丹崖司馬看鉅

### 二首

冬榮堂集 松心廬詩草卷一

十三

與君桑梓共今日晤言親署冷人無俗官閒詩有神愛才

足瀟灑爲政闕經綸接踵慙予拙悠悠渡虎馴

殊方真異俗不自忱天威金帛論強弱衣冠有是非秋霖

愁未已宵月望仍輝握手思前事雲山雁束稀

### 題五桂樓

茲樓名五桂最足感予心地與分香界人今憶故林露華

秋湛湛月色院深深俯檻能西笑天高且振襟

不道留人住猶疑仙路通宦經蠻徼外秋早桂輪中古蔭

知喬木怡情坐好風嶺雲如爲借簾幙敞玲瓏

見蓮桂齊開有作

炎方秋亦早邊徼夏偏長池溇蓮波淨庭霏桂雨香桂開時庭院都滿予擬題以桂雨二字此間問招隱何處足迎涼塵濁羈棲意清風夢不忘

瀘西張守備爲乃翁慶壽時已秋矣紅茶忽放一花  
予以後至未之見同人賦詩紀異而索予題因成此  
什

花解如人意奇英吐綺筵親庭知日永春色入秋偏霜益  
猩唇豔雲扶鶴頂圓新詩能紀異不必畫黃荃丹崖司馬詩先成和者率同官及士林諸生

曉月

冬榮堂集

松心廬詩草卷一

十四

曉月涵虛白空齋起獨看如何碧天遠多見玉輪寒

雨窗繙閱諸友酬贈之什佚失旣多人亦半逝慨然  
成詩

百篇賡語誦晤呬黃絹輸他幼婦詞人到清貧傳不易友  
從生死事方知頭顱老去江山感髀肉生來志業卑今古  
茫茫多少恨荒齋風雨正淒其

署齋獨坐偶書自嘲

頭銜賺得故鄉名予屢任地名皆與故鄉符合畢竟情多感易生飲取

盤江一掬水此身仍是在山清

五桂樓晚登即事

神僊何必總無情  
邂逅逢君太瘦生  
恐是梅魂兼桂魄  
香雲涼月過山城  
樓有仙跡予適見一人從容閒步亦奇事也樓前五桂蒼葱而其後老梅一株槎枒怪石間境界殊絕

詠廣西署前老槐

四百年前物輪囷  
此異材繁陰終不改  
浩劫亦堪哀  
曲說龍吟海  
俗稱槐影於數百里外昆湖中見之  
芳鄰鶴伴梅  
署後老梅特異  
瀘西林木美塵濁罷銜杯

鞠枕

與爾堪同隱  
孤懷寄物幽  
短籬今夕夢  
高枕故山秋  
傲骨

身閒倚寒香  
句耐搜便攜  
方竹簟日對沙鷗

冬榮堂集

松心廬詩草卷一

十五

廣西署前老槐  
詠廣西署前老槐  
四百年前物輪囷此異材繁陰終不改浩劫亦堪哀曲說龍吟海里外昆湖中見之芳鄰鶴伴梅署後老梅特異瀘西林木美塵濁罷銜杯

臨桂 廖鼎聲 金甫

丁卯戊辰

秋日詠懷二首

十載盤江側，紆迴作宦勞。一身多泛梗，羣盜正如毛。低首清吟苦，酸心野哭高。鄉園空悵望，雲路豈翔翔。名已嗤牛後，官何似馬曹。有兄聞入皖，無信到臨濠。渺渺神傷別，悠悠目盡蒿。仕貧憐俯畜，世亂倘深歎。每憶萊蕪餽，難忘范叔袍。兒遙行早達，我老氣仍豪。快靚鴻遵陸，欣傳鶴在臯。殷勤書寸管，慘戚夢三刀。撫序涼秋月，消愁獨夜醪。河山冬榮堂集

松心廬詩草卷二

計千古待英髦

早日詞壇上，猶思掉臂雄。遨遊五嶽半，跌宕萬言中。鳳

閣名殊美，螭坳覲許同。即今蠻獍道，竟是嘯嘯翁。短髮

飄蕭白，驚魂烽燧紅。不才禦魍魅，有恨倚崆峒。地似依劉

表，交誰接孔融。勤勞卑吏職，褒賞大臣風。肺病衰來久，創

痕裏未空。一哀侵歲月，百感叩天穹。當代豪英盛，何時寇

盜終埋憂。殷蟻蝨知命，識彫熊。滇國君門遠，瀘川旅轍窮。

人稀書作伴，家近桂生叢。將隱耽詩興，無聊就酒功。荒齋

清欲絕，咄咄和鳴蟲。

賦病中感作二十韻

生理甘頭白三年疾病侵竟疑身鐵石長此味連岑醫欲  
求秦緩詩猶愛越吟桂薑垂老性松柏後凋心昨憶風塵  
走曾經戰伐深裹瘡摩賊壘瘴足渡江潯霧雨城樓溼旌  
旗道路陰僕痲多密箐鬼嘯發寒林坐使成顛厄能無慮  
實沈難餘頰伏枕涼怯每披襟瘦是東陽骨秋兼北宅音  
吾衰原未甚仕隱可從今故里情牽率邊州氣毒淫更教  
移柳播那必問苔岑去矣宜迴轍歸歟試脫簪鷺鷗盟款  
款鸞鳳奏愴愴大好志和笠終焉陶令琴藥囊兒就檢酒  
椀婦謀對避世知賢達趨公謝悃忱衡茅視梁肉只見日  
冬榮堂集

松心廬詩草卷二

二

蕭森

中秋夕獨坐憶振喬言歸及茲半年迄未得其抵里  
消息又聞仲變兒將復補官赴皖果否成行不能無  
念作此二詩

一行半載滯書郵驛路花開感又秋江上已無金鼓震庭  
前知爲綵衣留老來孤客憐多病人去千山想壯游聞道  
元方更東邁二龍雖好是他州

眼底迷離幾月圓宦情空薄未歸偏頻分骨肉五千里自  
隔鄉山十二年丹桂有陰香正滿彩雲何處望應穿相期  
迎我鸞驂暇漫卷詩書穩醉眠

遣悶三首

茫茫世事總難平，天遠憑何控玉京。  
駑馬本無騏驥足，欽鴉偏被鳳皇名。  
參來貝葉心頭佛，乞得蓮花舌上兵。  
終是向人能嘿爾，化工顛倒看生成。

宋玉平居敢大言，靈均幽怨與招魂。  
繫情骨肉斯文在，愛國心肝我輩存。  
不可久留迂歲月，分教無力正乾坤。  
旁人錯欲封侯許，滑自清流涇自渾。

蓬麻蘭鮑等恩私，文采鴛鴦悵別離。  
但學祥狂功在酒，可憐慝亂局如棋。  
丹黃罪案憑青史，斑白衰顏感素絲。  
從此南翁衣早拂，釣竿檢點未嫌遲。

冬榮堂集

松心廬詩草卷二

江海二首

江海才名感故交，側身孤望一懸匏。  
鮑魚久涸終辭轍，鴻鵠高騫豈戀巢。  
金戒垂堂心自慎，璧拚返國計難淆。  
蘇卿竊歎遊秦後，六印當時亦解嘲。

淺色黃衫喜少年，掉頭往事鎮魂牽。  
酒龍詩虎懷何壯，北馬南船興亦偏。  
復有罪言關國計，肯爲幽隱讓時賢。  
蒼茫不覺身將老，獨剩煩憂欲問天。

瀘西署齋秋夜

地僻秋仍熱，天沈夜復寒。  
笑人如傀儡，憐我是朝官。  
屋待牽蘿補，書憑乞米看。  
高眠莫相溷，獨客賴心安。

登樓

曉霽一登樓風清病骨秋  
放歌鴻雁到遠想鶴鴿遊不易  
逢青眼如何竟白頭  
人高詩益苦無計散千憂

平生

淒絕平生意孤雲萬里來  
河山原漢晉詞賦感鄒枚  
世眼官如贅雄心老未灰  
自知榛狁俗彌望棟梁材

洞戶

美人如花隔洞戶三神山遠不可覩  
相思漫漫海水寬丹鳳青鸞盼飛羽  
憶昔曾偷王母桃是兒狡獪風且饜滑稽  
事主語諧諛細君割肉真仁豪滔滔歲月坐拋擲苦心蓮

冬榮堂集

松心廬詩草卷二

四

子爲誰碧二毛侵髻成羈孤窈窕陰房蕩魂魄行雲萬里  
落眼前親知索寞肝腸煎談深玉塵愛鄒衍白面伊何無  
少年阿婆三五塗抹日老大秋娘轉蕭瑟興酣梁甫還高  
吟情洽雍門再促膝嗚呼河清人壽能幾何出憂入樂何  
其多滄桑可改志未改願了浮生金叵羅

秋陰歎

瀘源地偏風土惡鬱蒸未已雨還作  
一秋罕見山容清四野長如霧光幕  
我來八月正及時斬逢好景人事薄  
陰晴頃刻倏變幻醉天想像宜冥漠  
十年兵革無處無狐狸豺虎紛騰躍  
即看肆毒同苗夷轉可論功到褒鄂  
蚩氓隱念

浩劫哀狂瀾偏倒竟安託苦心視此神內傷福性平生未  
堪藥咨嗟何緣梗聲教茫茫草昧思木鐸起尋歡笑當語  
誰遣興醇醪自斟酌

秋熱歎

沈陰漏雨氣復熱天無澄清地不潔箕星到此亦鬱紆白  
帝朱明錯行節疑春旣少花迎旭疑冬未覩山含雪晝暄  
薄綿那可衣夜寒孤衾愁又裂烏蠻東爨分爾疆鶴岫南  
湖空爲說枝官慘色堂上呼功名亂世且安拙極望神州  
還故鄉憂端萬事心骨折一笑飛蠅羣趁人來何遽集去  
如瞥零零晚露生新涼么魔汝輩盡漸滅老夫執卷能長  
冬榮堂集

松心廬詩草卷二

五

吟皎月窺窗坐幽絕

感事三首

白面談兵是也無最關全局敢疏麤才雄景略堪捫虱身  
退韓王莫跨驢名士自來書咄咄小臣惟有志區區河山  
半壁滇南地欲遣中郎繪作圖

一帥威嚴節制尊六星偏自落轅門醇醪漫飲曹公醉細  
柳還思漢將屯百戰夜郎飛急羽八千子弟慘英魂茫茫  
我墮窮邊淚功罪分明且莫論

碧鷄秋色正蒼然風鶴蟲沙遠信傳宋帝不勞揮玉斧漢  
家曾此習樓船陰謀幾輩奸如鬼勝算將軍降自天飲血

枕戈功績在戰場回首尙當年

夜坐

涼月照霜白體體清寒宮閣無人來一聲烏鵲墮孤影夜  
窗兀坐何幽哉昨夕甚雨今雲開世間萬變只如此令我  
不樂心徘徊細思百憂惟一醉杖頭無錢且銜杯

讀書

讀書亦何益淚痕常在紙泐忍希世榮壯夫不爲耳十年  
干戈場裏創血污紫誰人識儒生白眼遭眾鄙服膺子輿  
訓善戰上刑矣骨枯將成功驕帥意自喜側聞一路哭蝨  
賊小笞捶亟用垂明聽君子慎知止

冬榮堂集

松心廬詩草卷二

六

我心善懷憂我老志仍壯我言聽則狂維聰識无妄日夕  
對古先迂愚任責讓起視蒼天高明明實在上今人炯可  
鑒逸樂不容放熊羆與豺狼毫末差所向用矜則噬人用  
仁豈不尙于嗟乎騶虞風詩再三唱

夜

清絕官齋夜偏宜病客慵登樓吟復倚欹枕夢還重月色  
多連水秋聲半在松自然成俯仰何必慕仙蹤

振喬書來言今歲三月與兄遇於長沙留三日兄起  
皖喬歸粵雖途中言別遭逢良非偶予則別兄十一  
稔而喬違予以去亦十閱月矣觀其書情景在目不

覺此心之黯然也作此寄兄兼寄示喬

春風吹動湘江淥行人兩過湘江曲東西勞燕愴臨分一尺書中語煩促羈孤感我神內傷皖水粵山黯然綠我別兄來十一霜兒歸今亦十月強如此年光頭易白況復兵戈滿異鄉異鄉不歸竟何益碩鼠青蠅長太息人生骨肉難爲懷何處雲山能咫尺一詩分寄兩封書獨倚天邊望日夕

寄王芷庭觀察里門

別緒星終感喟并繫匏千里慨勞生羨君林下清標迥絕似山中宰相名姻串有懷知眷眷亂危不極敢錚錚歸休冬榮堂集

松心廬詩草卷二

七

合共烟霞賞待我青鞵布韉行

寄朱容菴刑部里門憶哲兄伯韓殉難之江已闕十

年矣

哲兄才調冠時流有弟名山臥幾秋淚眼最悲燕市別多情曾送越州游

丁巳送伯韓赴浙遂不復見

望殘烽火丹心破湖半晨星白髮愁何日共君能話舊月明惝渚水明樓

丁卯除夕口號

十年前已歸心切如此蹉跎竟未歸病鶴離縶爭晚節老梅醜靄弄春暉韶光易轉新催舊別夢如雲是也非一笑可知安樂法朝衣須換水田衣

戊辰二月奉檄赴思茅任瀘西左生欲恭出箠索書

因憶予在瀘八閱月病中讀春秋左氏從生假獲善

本生又精岐黃予屢乞醫焉成此二詩即書以贈

書借若家癖未休文章可信重時流多情屋上烏偏好善  
病囊中藥易求投老肯移薑桂性懷歸兼恥稻粱謀一官  
水淡今成別鴻爪依依且爲留

此去嚴程洱海寬暫留心識宦途難未妨風味仍儒素豈  
有時名動長官僕厭清貧多愠色友從文字訂新歡題詩  
莫漫嗟予拙膝上青琴自在彈

予在瀘西著六經聯語輯編甫成而罷任若與瀘相

冬榮堂集

松心瀘詩草卷二

八

始終者因命曰阿盧經課題三絕句紀之

八月官齋一事無集成經課費工夫亦如蠹食神仙字靜  
對閒窗且自娛

敢道紛綸井大春妃黃儷白亦精神貧官消受讀書樂不  
管旁觀冷笑人

攘攘黃塵夢等閒臨歧揮手萬重山輕裝添得瀘西卷古  
調差同琴鶴還

聞思茅路阻眷屬仍置宣威予遂往還曲靖漫成此

什

欲去關河阻重來郡國荒在途兒女大人客髻毛蒼不易

成生計何因滯異鄉宦情真似水獨苦憶滄浪

垂老

垂老工愁疾結交無少年行藏吾道拙憂患此身全溪柳  
縈春夢山花破曉烟意中饒自得白髮任蕭然

和韻酬海昌沈意文壽榕觀察見贈

軍書叢裏親文字大雅扶輪信有之荒徼隱憂心指口宦

途清况壁留詩意翁於宣威州署見予題壁各詩大加獎飾難酬慈訓神先恫

自涵風塵俗漫醫手撫牙琴增感喟效顰聊亦忘予嗤

疊韻再酬

悠悠時事從何說瘦馬疲驢任所之慷慨交情深似水清

冬祭堂集松心廬詩草卷二

九

貧患豪儉于詩人才豈易焦桐識病骨應求妙藥醫悵望

千秋評月旦未妨隨俗溷妍媸

附原唱

桂林山水甲天下我未能游想見之軍火十年雲裏

夢風塵一笑壁間詩君才妙得仙心雜民病難求國

手醫秦鏡光寒真古色肯教俗眼辨妍媸金甫更示余秦鏡諸

篇皆卓然可傳之作

意文為題篝燈夜課圖讀之愴然增蓼莪之痛賦此

奉酬

遊子方寸心默默恆內傷當時讀書意詎曰利祿望天爵

自可尊慈訓聞傍徨家聲期克副天爵自能專昔年吾母示予詩句也傍徨夫何

爲學殖日就荒抗塵走萬里將毋况未違兄弟才二人宦

遊各異鄉兵戎皖江側荆棘滇池旁回頭念宣文涕泗紛

成行作圖紀先德先德惡敢忘夫子東陽彥蓄道能文章

雄筆一闌幽字字珍珠瑯讀詩喜且悲豈但聆官商喜者

百世事孟歐爲韻頽悲者愧昔賢無以希瀧岡徘徊白雲

下墓木橫蒼涼孑身輿魑魅憂患何其長迂愚不適用枘

鑿殊圓方又經九死餘征衣曾裏創龍鍾五十叟誰復能

聰強嗚呼遊子心張觸彌未央

曲靖旅感

冬榮堂集

松心廬詩草卷二

十

罡風橫大野行子赴征途眯眼塵沙暗關心隴麥枯亂離  
曾未已疾痛不能無人事蕭條際高歌且自娛

莽莽乾坤闊艱難滯一方頭顱看易老骨肉夢相將路遠

無書到雲間有客忙故園重回首何處是瀟湘

一月幾回經郎州又此倖故交多偃蹇薄宦足飄零水咽

荒江白燈歎小閣青側身更西望何術挽滄溟

恥作閒居賦迂懷企古人官原身外寄書是客中親積雪

驚逢夏月廿有五日天大雨雹樹葉盡脫越日雪積盈寸看山逼向晨撫時憂不

極蟣蝨一微臣

薄命篇

妾身一白璧失足在泥塗泥塗夫何爲中夜長嗟吁

妾生雖微賤明珠頗自惜自惜無人知悠悠蕩魂魄

春風復秋月妾命真可憐嫁女與狂夫何知委路前

鳩毒拚自戕青絲拚自繫勿望妾更生妾身早如棄

青絲毋自繫鳩毒毋自戕冥冥死生間薄命吁可傷

雄心

雄心灰未盡長嘯獨登樓天欲橫豺豹人今溷馬牛有情

空一盼無計足千秋塵濁卑棲地蕭蕭白髮愁

不赴思茅滯留忽已三月矣書此志慨

未成仕隱名先隱自歎愁牽病轉牽閱世情懷多磊塊傳

冬榮堂集

人事業賴詩篇勝峯洱海迢迢路烏帽黃塵僕僕緣閒煞

旅居垂白首幾回相對月輪圓

閏夏書懷

閏夏異氣候積雨庭中陰離居增百憂曠懷日逾深十月

音書滯何以慰我心瘦妻面不光疾痛長呻吟一妾無完

裙相憶直到今我亦忝官職生計獨蕭森喟然發長歎俯

仰瞻故林

故林有隱居山秀水復環別來十三霜夢寐索其間兄也

賦歸去倦飛誠知還奈何在山泉分流仍出山出山豈不

好白首空愁顏昨者寓尺書征鴻便江關相勸無他語箕

頽重追攀

追攀企先賢身世究所託兩兒頗知書姿稟亦未惡舊業  
綿青箱勉旃勿鑄錯昔聞馬文淵畫虎語非謔貧也豈足  
病壯心雄干鏤達聞非偶然古今望寥廓吾衰百不念拭  
目奮鷓鴣

得振麟姪正定書是客歲四月所寄越一年矣

一住恒山十五年每懷孤姪便潛然寄書隔歲人初到作  
嫁他鄉計豈全頭白關河仍北地眼紅烽火徧南天相思  
欲慰平生願清德惟期後起賢

五日

冬榮堂集

松心廬詩草卷二

三

五日陰晴半蒲觴獨自斟忽思去年事偏觸故園心

去歲五日

寄書里門迤今尙無復音烽火傳書急關河接地陰所欣炎熱少披豁  
一開襟

藥物

藥物親來久蹉跎歲月深孤懷愁不寐老病日相尋豈有  
千秋業難忘四海心蕭蕭人事迫何苦味連琴

自閏四月望日得家兄皖上書始知兒子振喬去年

秋捷今夏五喬輩仍無書來鄉音阻絕不知何故悵

然成此

一年一度書纔到悲喜交縈白髮心荆樹影孤人易老桂

華香接杏成林衰門振起聲名重先德留餘感喟深傳語  
兒曹須努力雁鴻天末盼佳音

回首春風卅六年衣裳慘綠鎮魂牽文章有命吾終慨科  
第承先汝亦賢不負讀書惟志業未妨餘事到詩篇燕滇  
皖粵分馳地骨肉相思此黯然

寄瀚兒

聞道鄉園爾獨居頻年送別悵何如青雲有路終須達黃  
卷堪親慎莫疏皖水春庭垂老日燕山客館壯遊初蒼茫  
更憶滇池遠幾處勤將數尺書

病婦空閨瘦骨支天涯吟望首低垂此情何日羈孤慰似

冬榮堂集

松心廬詩草卷二

三

我真成臣叔癡水遠山長書不易人高詩苦吏仍卑封題  
寄爾平安字獨苦秋鴻報轉遲

惆悵

惆悵陳思賦感甄看花何處只迷津古來名士銷魂易半  
爲離憂半美人

王雁峯太守

楷

出示佩霞女史書畫便面爲述所遭

之異相與惋惜因成本事詩四絕

官韻書誇葉小鸞寫生妙筆又曾看閨中亦有真名士豈  
獨能登詞伯壇

生小鬱金堂裏居文君未嘗適相如如何絕世才華擅聚

鐵偏教鑄錯書

十載空幃自守貞鏡臺翻爲誤芳卿天心獨厚沙吒利直  
使人間恨不平

早識東風嫁柳枝不曾攀折悔當時扇頭留得春痕在珍  
重雲英屬阿誰

再題

已誤明珠墮劫塵更聞漂泊未亡身古來色藝天多妒爭  
怪荆花似路人

香茗才名冠彼都蓮清終竟辱泥塗多情太守留餘恨引  
我青衫淚濕無

冬榮堂集

松心廬詩草卷二

十四

無題四首

麗質天難擇地生浣紗溪爲美人名杜蘅暗襲溫和氣楊  
柳空牽宛轉情樓上召歸秦弄玉世間謫墮許飛瓊蓬山  
咫尺增惆悵誰引仙風下碧城

大小明珠豈偶然乍逢一顧總堪憐井闌夜汲銀瓶冷簾  
角朝窺玉鏡圓無術可通行雨夢有情偏隔彩雲天凌波  
誦得陳思賦肯使塵生貼地蓮

嬾娜腰肢重楚宮眉痕如黛臉霞紅舊妝絕世魂應醉小  
字橫波譜爲通國色恨無金屋貯芳情多謝素絲工年來  
眼到窮邊窄此日翻教拜下風

每帶微嗔倍可人總然強笑亦含顰觀書月下紅箋朗理  
髮風前翠袖新欲藥無端驚倩女拈花長欲酌針神雌鸞  
么鳳歡何限妬煞工愁善病身

卽事

名花看不厭顛倒此時心自歎愁中客魂消但苦吟  
偷眼心何事迴腰步可憐態濃偏意遠合住有情天

旅邸與客夜話

長爪麻姑癢處搔重題往事倍心勞人琴何限黃壚痛宦  
轍難爭碧嶽高嘗膽世情羞抵玉裏創戰績且藏刀十年  
贏得頭顱在畢竟清貧轉自豪

冬榮堂集

松心廬詩草卷二

冬榮堂集

松心廬詩草卷三

臨桂 廖鼎聲 金甫

戊辰

奉檄轉餉之江紀詩四首

一官無計慰初心此去翻同鳥出林未必雲霄飛便遠可知矰繳避從今幾回鄉國音書渺十載邊荒戰伐深舊日裏創曾有恨數奇何敢問升沈

越國迢遙接楚天征程回首憶當年江亭一墮青衫淚泥

坂重登赤壁船鸚鵡洲邊帆正飽鴝鵒原上袂應聯擬於此上

順道一探奇更寫新題句東海潮生對月圓

冬榮堂集

松心廬詩草卷三

一

卅年遊覽欠西湖投老身宜入畫圖青眼故人多健在白頭羈旅慰情無軍書敢惜催行急杼軸曾聞仰屋吁一樣君恩邊服重望深江左得夷吾

行李蕭然蜀道難臨歧先自計平安看山有幸人千里縮地無方路百盤清遠吳興留畫本蒼茫雲物載吟鞍酒痕添得杭州否預擬遊踪後日歡

之江之行未果奉檄改適粵東因再成此詩若爲前

詩解嘲者

漫許看山越國雄壯遊還向尉陀宮西湖賺我添詩料南海憑誰問土風行羨班生仙不異裝輕陸賈路仍通秦庭

未是包胥擬王事馳驅一例同

得歸茅屋便欣然

此行擬便道還鄉

莫問巴巫下峽船火急官程

多慙塊到遲鄉信已經年粵山贖蹟遊仍補

予昔游粵曾未一至廣州

皖水離悰夢尙牽

未獲省兄於皖

一笑他題還請試郵筒分寄擘

魚箋

### 和韻友人贈別

珠海波光浴日紅炎天如火片雲東我行偏及三秋月人去真乘萬里風路想近鄉仍是客詩因惜別詎能工馳驅  
敢道征途苦暑雨祁寒怨畧同

哀豔緣何獨愴神客愁渺渺淚痕新月如有約光相映花

冬榮堂集

松心廬詩草卷三

二

縱無言意自親長恐雁鴻稀伴侶願爲蜚螿更依因離憂  
此際天南遠香草情多重感人

### 松林驛

松林百里竟無松行旅威遲興轉濃路入炎方

地名

剛六

月官臨蠻部認千峰吳棉尙著忘暄暑魯酒徐斟有醉容  
戰馬蕭蕭茅店冷寺樓催起五更鐘

### 重至宣威寓舍

六度木榕山畔行黃塵烏帽歎勞生馬曹官與時何補驚  
下材原世所輕分作歸人仍遠志暫攜嬌女亦聞情殷勤  
別去無多語越海炎蒸第一程

平糶縣

重到平巒驛依稀忽二年故交誰好在游興此悽然雨洗山根出雲團樹頂圓遙程得新霽聊爲聳吟肩

羅平苦無夫率以鄉農肩輿旣不良於行三五里一更遞又甚煩擾夜行山澗中忽大雨逾二時許澗道成河自高下下懼恐不免淋漓無寸乾處投大水井宿已二鼓矣復聞前行者遭劫殺在此兼有戒心艱苦亦所未經也紀之以詩

予生半在途艱苦亦備歷茲去彌薪勞戒心早恍惕果聞前車覆行者罹鋒鏑境已逼粵疆鄉山翠可靚荒州告無冬榮堂集

松心廬詩草卷三

三

夫村叟畏撲擊聊爲官役充陟險走絕壁牽挽如旅磨趨步長失的倘然巖谷顛意中切憂怒傾盆急雨來深澗奔霹靂晦冥天地閉幸爾免沈溺野店眠欲僵病軀溼若滌一噫傷帝仁仇客怒何激況乃頑梗徒饕餮不須迪夜枕劍匣鳴驚魂赴強敵明當慎邁征魑魅紛羅窠

赴粵之役由羅平入粵西百色地僅十數程至此有戒心乃遂菴回羅平將趨黃草壩前進而興義擾抑由普安往畢節而水城亂因仍取道宣城輾轉廿餘日未離滇境是何濡滯也復紀一詩

鄉山未云遠關塞固可涉滇粵唇齒邦奈何盛荆棘已瞻

嶺嶠雲頓返風中翼驚心逆旅際黃草烽燧黑欲去馬不  
前煩憂面墨色趨起仍榕城恍似歸故國嬌女見我笑牽  
裳樂靡極小婦亦欣喜問訊語唧唧夜深明燭光行李重  
拂拭慰情暫勾留征路苦難息僕指珠海邊宦程歲月逼  
十年荒服居雖好實異域茲游頗壯觀揮鞭行在卽勿爲  
誚濡滯黔蜀望天北明發仍首途叱馭忘崩男

輿中雨望

遠雨半天陰滇雲四望深行程任顛倒旅味一蕭森人是  
越鄉客誰當梁父吟悠悠此言邁何計滌煩襟

重經可渡感作示和甫

冬榮堂集

松心廬詩草卷三

四

六載重經可渡河衰顏百感對蒼波荒村戍役人煙少驛  
路荆榛戰伐多磨蝎命宮聊復爾冥鴻心跡竟如何去程  
且問黔兼蜀別緒還爲嘯也歌

入黔界題旅店壁

滇山遙望更黔山行旅蹉跎漫解顏河水曲流渾似帶巖  
雲深鎖竟無關道通猶覺鄉音阻人去終慙倦羽還舊事  
模糊今記取一官蠻部鬢毛斑

旅中七夕

別情如水認東西此夕憑誰乞巧題霜雪鬢邊人欲老星  
河眼底意常迷年年佳會偏羈旅處處游蹤有雪泥早晚

榕湖賦招隱釣筒詩卷足幽栖

七星關

七星關聳暮雲低驛路頻年悵鼓聲聞道功名歸汗馬又  
來信宿聽荒雞映山炊火綠烟起挂樹殘陽紅暈齊好景  
正宜人畫取河流催送斷橋西

口號

無限愁心易愴顏今年七夕七星關閨中問卜應難解半

是將迎半送還

予擬歸里一行而王姬仍在滇故云

涼雨新秋不渡河羈魂流恨滿蒼波分明天上佳期在畢

竟人間別緒多

七星關水漲不能渡河衣投蕭寺中

冬榮堂集

松心廬詩草卷三

黑章道上

五

野店披榛夜獨長再來黔地感滄桑山河依舊雄烏撒烽  
火年前話黑章對酒堪爲今日醉放歌休效古人狂邊隅  
西望仍兵馬傳語元戎且急裝

道逢武人皆安輿而行

畢節縣

萬山層疊起烏蒙縣郭逶迤路指東秋色盡歸詩卷裏好  
花多看客途中朋交寥落懷知已僕馬瘡痍悵道窮薄宦  
十年成一笑敝衣還欲醉郵筒

漫作一首

經行逆旅中粗糲苟可飽視彼梁肉饜萬錢事亦了余生

迫艱辛何處不安好有得卽適意所嗟獨遠道請勿戀風  
塵飢驅令人老

生涯

生涯薄宦又何之老不還鄉且載馳世味久經嘗膽後古  
歡難得與心期每因離緒增悽感擬續前游補舊詩江海  
飄蕭琴鶴冷薪勞無極冀明時

勞人

勞人何計息塵機今昨分明是也非烏帽白頭成偃蹇青  
袍綠鬢話依稀愁中伴侶杯重把眼底雲霄羽倦飛此去  
行蹤還萬里秋風獵獵動征衣

冬榮堂集

松心廬詩草卷三

六

白巖

百里趨白巖龍山勝非昔遺廟成荒墟居人半空宅予亦  
嗟顛連皇皇此于役旅館聞雞鳴涼燈作深碧

赤水

喧卑赤水地一曲橫蒼波急雨倏翻盆清流變渾河征輿  
此言邁浩浩發悲歌明當蜀道難黔道今如何

雪山關

辛苦辭蠻徼東來始一關崖陰常欲雪寺古獨當山兵燹  
曾經後風雲變態間元龍雖意氣蕭瑟動愁顏

入蜀界有作示友

客程細數十經秋蜀道重過亦壯遊劫火邊關餘地險錦  
江日夜拍天浮詩情賸欲迷荒徼星象憑誰指益州我自  
勞生君莫笑敝輿羸馬肯淹留

女緯謠有序

滇黔道中官輿以人牽挽役僅男丁輿至兒童率  
走避婦女弗避也乃行蜀永甯縣境緯有用女者  
噫民役繁重如此矣爲作此謠

女緯謠緯皆用男不用女男既辛勤女何艱苦一解女緯

謠緯仍用女兼用男役男尙可役女何堪二解女語男勿

偷惰晨興長官來暮宿長官過三解男語女勿安眠官來

冬樂堂集

松心廬詩草卷三

七

輿是挽官去輿仍牽四解自行滇黔男弗女蜀道之難更

何許五解蜀道難蜀山高行者自心憂居者亦勞勞六解

請看女不能逃男焉避血汗殷紅雲鬢翠役民至此蜀中

地五丁開山亦多事我心煩憂面憔悴七解我實滇吏役

爾何爲語爾男輿來走且辭女坐深閨人何知奈何役爾

忘其疲吁嗟民良實在茲八解

此行

此行添得鬢毛霜辛苦關河路阻長蟻磨未堪還蜀道雁  
飛何日度衡陽雲連山樹微烘綠秋入郊原始見黃羨煞  
農家多樂事對人不語祝豐穰

人事

人事真難計，紛然涕淚多。浮雲看富貴，來日肯蹉跎。情亦平生累，詩成獨夜歌。茫茫行道遠，淒絕意如何。

敢自籌邊詔，淒涼一病夫。征塵滿關塞，落日動江湖。雄劍隨人老，長鑱伴客孤。此情清似水，獨願狎鷗鳧。

入舟

久失扁舟計，今來綠水潯。一帆風欲動，萬里意何深。小坐羅衣薄，閒吹玉笛吟。驪龍君睡穩，莫負采珠心。

舟夜

濛濛細雨溼輕舸，泊中流。人語寂無聽，濤聲清自秋。閒情

冬榮堂集

松心廬詩草卷三

八

宜對酒涼意欲披裘，此夕蜀江上空增遠客愁。

雨中舟行即目

灘鳴因石湧，船駛訝山飛。是處迷江樹，何村隱釣磯。雨生雲四面，羨鳥雙歸眼。底橫秋漲蒲，帆水正肥。

瀘州

重到江陽驛，初登巫峽船。灘聲巖上瀑，秋色雨中天。擊楫看生事，銜盃欲醉眠。微官兒女計，將老意茫然。

瀑布

白龍挂巖谷，飛下江流陰。雨際一回首，望之不可尋。余行正飢驅，巴雲千里深。漸愧此中意，何堪許爲霖。願言謝世

網山水懷清音

舟行自涪萬入夔有作

客程迢遞一輕舟，客思真堪枕碧流。  
峽口灘聲喧白日，夔門風物壯清秋。  
畧如叱馭雄心老，欲問乘槎快意遊。  
涪萬經行三百里，揚舲瞬息過忠州。

白帝孤城萬仞高，片帆飛舞入奔濤。  
江爭怪石蛟鼉吼，山劃蒼天虎豹豪。  
千里流人真渺渺，一生作客此勞勞。  
杜陵出峽吟新句，頭上應看長二毛。

雲陽道中偶題

人家磯上住，日日看舟行。  
水滿片帆飽，風斜一葉輕。  
異鄉無可樂，去國不勝情。  
爲問飢驅客，何時罷遠征。

冬榮堂集

松心廬詩草卷三

九

夔門

夔門爭一險，舟下百重灘。  
擊楫中流客，高歌蜀道難。  
生涯憐老病，苦志託微官。  
峽口風波急，驚魂且自安。

自予首途，句云：莫問巴巫下峽船，時取道百色。故云云也。乃輾轉仍度三峽，益歎人事有難預料者。而又有一笑他題，還請試之句，頓成讖語。舟中默憶，因即其意，衍爲小詩，以誌鴻爪。

下峽船仍試巴巫，此日行山雄。  
天意險灘惡，旅魂驚時事。  
知何定詩歌，自不平先鞭。  
聞祖述愁聽大江聲。

地險非人險蛟龍未敢吞畏途偏似彼天道復何論遠水  
湍流急長年姓氏尊

蜀江舟子極自尊大稱謂有不可解者

願言仗忠信漂

泊任乾坤

出峽作

巴巫疊崇山內外水陵跨茫茫蜀與楚山水若爭霸入峽  
峯何雄出峽天始大陰崖包百里灘聲走日夜平生歷艱  
險到此吁可怕遊踪固奇絕壯心實摧挫况乃霜髮深入  
欲塵鞅卸征途苦顛連積月不休暇揚舡已邊秋發軌當  
仲夏牽率及老夫仁慈託造化回頭憶滇中白骨相枕藉  
倉皇迫烽燧何時事耕稼徵求徧江海官役那可罷妖鳥

冬榮堂集

松心廬詩草卷三

十一

聞羅平夔門倏東下一夫關莫當片帆風豈借洪流千古  
奔俄頃數州過從茲雲夢吞更展蕭湘駕南越本名郡明  
珠美無價吁嗟宇宙間夷險事亦乍願言謝真宰逢轉勿  
相訝

諺云黔無三日晴言黔多雨也比予行黔道半月皆  
晴而自入蜀二十日以來維時既秋連日皆雨豈蜀  
無三日晴諺所云誣耶逆旅難堪之狀輒紀以詩

蜀黔雖鄰邦氣候豈弗異畢師實好雨諺稱夜郎地我茲  
出山來晴靈日所記奈何夔巫間淋漓偏盡致濛濛覆層  
雲咄咄吁怪事清秋生晦冥八月天似醉竊疑多言誣詎

識仇客意途窮衣袂單檢點餘筒幾卷溼又乾模糊理  
文字三峽波浪深寸心益顛顛頗自悔顛連人與水爭智  
仰觀濁霧重默念曦輪閱會當乘長風黃人爲紀瑞危坐  
依達窗負暄得酣睡

歸州

江驛歸州路孤城指點中客心摧峽底秋色冷巴東水自  
流人遠山多作鎮雄楚天連蜀地漭漭欲浮空

西湖雨泊

洞庭之西湖也

湖雲靄靄一天陰湖雨冥濛四望深縣郭近疑浮水出帆  
檣高恰受風侵眼看時事隨漂梗屈指郵程憶故林青鬢  
冬榮堂集

松心廬詩草卷三

十一

關河今白首勞生未已是雄心

湖中偶興

一棹江湖秋水寬楚天無極楚雲盤神鴉陣陣因風起孤  
雁飛飛帶雨寒大塊窪中仍郡邑雄文高處此波瀾沅湘  
遙望青如染蓬底清歌且自歡

暮景晴霞片片紅半輪蟾魄已當空客程穩渡重湖浪鄉  
思催歸八月風阮籍高情餘酒盞志和隱興託漁筒東征  
何限蕭疏感鰕菜魚羹一笑中

舟夜坐雨

涼雨孤舟夜清秋獨客心水平連岸濶天遠入雲深澤有

嗷鴻歎宵增語蟀音茫茫身世感一例發悲吟

驛路三湘地波濤萬里船微官空自老生計許誰憐遂有  
騷人怨難忘漁父篇長沙知未遠懷古一潸然

悄悄人無寐漫漫夜轉長湖南此清絕天末更何方香草  
威遲意寒燈隱約光不爭歸思切辛苦向衡陽

中秋夕舟行口號

穩臥蓬窗對月明布帆無恙受風輕征途此際真清絕况  
復長沙萬古情

水色天光湘浦曉秋心無極是今宵年年佳節客中過賴  
有新詩慰寂寥

冬榮堂集

松心廬詩草卷三

水程戲題

三

水程何處最清嘉風送蒲帆片片斜開市發船如散客晚  
途依岸當還家每逢小艇呼烹鯉欲認前檣看集鴉更好  
月明波浪穩流人詩思滿天涯

發衡州舟中聞雁有作

聞道衡陽雁飛飛不復南我行偏見汝遙夜叫何堪嶽色  
青過嶺湘流綠滿潭歸途轉濡滯愁眼對烟嵐

晚泊

晚泊知何處荒江岸陰沙痕隨水沒星影落江深涼意  
秋如許幽憂敢不禁近鄉仍客路楚些一微吟

東流水

東流水不復西人生髮白無再鷺勸君行樂須及時山河  
隔年還再見零落故交去如霞高堂樺燭且歡宴贈君合  
浦雙明珠青絲爲繩白玉壺素琴七尺橫坐隅清音一奏  
酒堪醉茫茫今古干甚事抱膝長歌在天地

促織

促織鳴以秋發聲何淒切我船入瀟湘遙夜坐幽絕嗟爾  
一微蟲應時識佳節人生託羈旅萬感那堪說茫茫聆清  
音脉脉五中熱

衡州取道桂林予得一歸里門感而成詩

冬榮堂集

松心廬詩草卷三

三

衡陽得歸程豈但念妻子去國十三秋親墓不一視微官  
仍固窮虛慕青與紫有兄宦江南還山雲復起人生重天  
倫羈滯亦已矣茲行雖暫歸恭敬必桑梓公程豈遷延私  
意竊欣喜遙瞻桂林峯且涉灘江水

載途幾百日輾轉夏已秋涼風吹我裳明月入我舟夔巫  
憶天險人水爭奔流蛟龍幸免得魑魅仍懷憂湘沅盛蘅  
蒞泛舸今夷猶我命實羈孤白頭長他州返鄉固云樂情  
法含悽愁獨夜歌未央遊征何日休

里閭當旅舍前路尙有在歷歷記嶺雲冥冥望珠海來日  
真大難去日坐自悔貳師誰封侯茫然問真宰况余裹創

來近事亦幾殆妻孥困飢寒富貴終何待拂袖清風生門  
庭失光彩嗟嗟歸亦愁填膺獨磊塊

舟中暮望

一江秋景暮夕照片帆催高鳥衝雲過溪人逐浪回詩情  
紅樹外鄉思白蘋隈莫訝湘流曲征夫自湖洄

過浯溪

浯溪今又過得句補前遊予過此十次屢游未留一詩明鏡山邊石朔

風江上秋漫聲吾亦可塵濁事何休坐想平原蹟雲煙字  
字道

永州

冬榮堂集

松心廬詩草卷三

四

南去衡陽雁北來江上船瀟湘流自合桂永地長連山作  
零陵雨秋宜象郡天我行今到此回首意茫然

九月朔日感賦五首

蕭瑟金天氣飄零白露團問途經宛轉知味識酸寒有雁  
書仍滯無魚鈇屢彈一哀驚歲晚身上客裳單

憶舊年時遠歌詩涕淚深補題多紀事預作爲關心予詩有境  
已過而補成者有山鬼湘纍怨征夫戍役吟漫言千古計

事未至而預吟者  
不覺二毛侵

未信詩書說誰云志意墮悠悠成錯計咄咄豈奇才清況  
餘細映豪情到酒杯故交聞已達早晚畫雲臺

薄有田園興低徊且自傷龍鍾侵疾病驥伏敢騰驥志決  
身宜隱憂來道豈忘四方豺虎亂報國亦難量

早歲時名惜邊秋驛路零眼教餘子白心折故山青似欲  
辭官職依然指客星登高還幾日天地一飄萍

金州懷陳省三明經

學曾

太息陳驚坐孤墳長白楊酒懷多磊塊詩句愛平章臆憶  
生前樂誰爲死後傷吾衰過半百親故意難忘

全州舍舟陸行作二絕句

又踏青山問去程衡陽落日晚淒清歸心遽似南飛雁爭  
不盈頭白髮生

冬榮堂集

松心廬詩草卷三

圭

一曲磬泉景最清秋風吹我過江城吳棉尚著年來慣骨  
相酸寒此瘦生

輿中卽目

水田漠漠鳥雙飛初日微紅上客衣一个籃輿行便穩掉  
頭真悔不如歸

過午停輿日又斜晚風吹笛話漁家濃青似染團松蓋淺  
白如銀抽筍芽

望林桂諸山感成此什

昔別桂林山悠悠向何適朝出故里門暮餐他縣食官驛  
分東西土風異南北薄游幽葡邦遠宦滇黔國遂令百憂

懷翻作萬里色眼迷烽燧紅魂逐關塞黑彼都實亂離無  
以奮羽翼望鄉固非遙歸路那可得歲星今又辰予以丙辰出山  
年矣今十三回首時序逼大府檄我行珠江未絕域徵求鮫室

貢想像鯨窟陟果迴王陽車還聽湘靈瑟巴巫天下險中  
不蝕使我明雙眸嶺雲信堪即噫吁平生心慷慨艱阻歷  
鰈鰈多問奇燕勞何曾息惟覺遲暮時老矣坐孤特倉皇  
等螳磨尾勉僅鷄肋一塵鮮衡茅四海況荆棘古土爭宏  
遠鯁生但鬱抑干戈六詔地半壁落狂賊恣睢繁有徒幹  
旋終誰力撫膺喟然歎蒿目愁靡極吾土雖暫還兵塵早  
冬榮堂集

松心廬詩草卷三

六

拂拭

嚴關

巖疆首屈一嚴關廿四年華豈等閒頭白征夫成獨笑多  
情不老只青山予自乙巳經此後或取道他途或由水程往還全州不度嚴關廿四年矣

冬榮堂集

松心廬詩草卷四

臨桂 廖鼎聲 金甫

戊辰

到家二首

作客公然到故鄉，暫歸仍許意飛揚。  
愛看屋列千層岫，羞見人言兩鬢霜。  
談笑尙憐兄遠在，勸酬已有婦謀將。  
新詩吟就兒能和，拍案高歌喜欲狂。

存歿親知半涕零，故人情話戶雙扃。  
酒酣能使顏顏赤，山好終如舊日青。  
乍拂塵襟仍客子，預儲文葆要添丁。  
抱孫

聊慰明珠得學語，牙牙總耐聽。時有女孫六人

冬榮堂集

松心廬詩草卷四

里中一展祠墓兒輩侍，予禮成愴然有詩，卽書示振

喬振瀚

曾氏昔垂訓，民德重追遠。  
皇然念先人，水源而木本。  
我生迫飢驅，閭里動忘返。  
秋霜春露心，每愴歲月晚。  
今來展祠墓，暫日息與偃。  
祠也久荒蕪，明禋未安穩。  
修葺賴我兄，昨年爲繼繼。  
享祀稍存託，志意實專懇。  
墓石尙傾頽，宜待又偃蹇。  
片帆皖江去，寄書曾十反。  
茲予空來歸，愧兄神獨損。  
傷哉仕何貧，徒抱愚夫悃。  
况乃逼官役，峩峩粵山阪。  
汝曹知我衷，浮名羞華袞。  
何堪戀塵勞，早自甘肥遯。  
誓求私願遂，努力加餐飯。

贈內

十三年別淚痕深爾我相看白髮侵  
作宦艱難成薄倖損人顏色是離心  
亦如良友欣重晤漫數游踪與細吟  
兒女風雲俱氣短牛衣回首倍蕭森

贈梁姬

小婦幸能隨大婦遠人今暫作歸人  
幾回相對眉仍鎖不見猶憐意自親  
碧玉年時何限感綠楊陌上爲誰春  
一身萬里封侯未惆悵當歌酒數巡

將之廣州感賦此什

暫作還鄉客其如薄宦嗟所思仍遠道  
欲別又天涯鯨海漫漫路鷗波泛泛家  
呼兒聊慰語努力愛春華

冬筵堂集

松心廬詩草卷四

二

子敦聞予歸過舍快談又即言別走筆書贈

九年相別君漸老微官歎我亦潦倒  
歌酣酒滿君莫辭故人惟君能承好  
人生安得長少年何人年少無華顛  
狂呼大笑且將別歡娛片刻即神仙

里門小住六日南適廣州書懷示內三首

白首吾旣衰青山色不壞關河有前途  
祠墓今再拜淪飄竟何爲行路如負債  
且辭灘山峯更陟粵嶺隘還鄉即去  
鄉此事吁可怪語卿亦勿怪故國誰堪賣  
去去仍還歸圖歸終一快

桂林佳山水乃爲人所羨惜別將安之布帆風一片昔聞  
簪組榮不如貧與賤悔作宦遊計歲月已森電此行當浩  
然他州誓弗戀但冀官役完遂逐林壑便我言有白水澗  
日光照面

古人重遠遊遊子必有方我雖丈夫志投老居他鄉親庭  
懷永痛妻子遙相望豈曰愛榮祿榮祿夫何常九死況一  
生宦情足哀傷哀傷不復道歡樂原未央明作山中叟爲  
卿吟一章

振喬隨予東行途次示之以詩

汝已竊科名豈無四方志茲行始東征翻若意外事帝梧

冬榮堂集

松心廬詩草卷四

三

九嶷深大長南越地經今所游覽知與楚蜀異

喬於昨歲  
自川湖歸

我從萬里歸暫覩故山翠飛鳥等迴翔磨蟻實顛顛念汝  
多遠適頻年亦小試慈闈雖未衰送別常涕泗因貧迫飢  
驅家食固非冀文章江山助倘識賢哲致讀書望古心勉  
矣勿失墜

舟途苦熱

粵天真異俗九月尙炎蒸碧澗征夫棹蒼梧帝子陵壯游  
殊未已旅思獨難勝一笑羅衣著巖霜幾日增

蕭瑟看行李江山入廣州冷官偏觸熱幽興獨吟秋地早  
番夷雜天難瘴毒收清貧吾亦慣到此莫淹留

寓齋閒詠

近市何喧俗蕭然坐一齋漫勞今雨問恰有故鄉懷伴我  
書盈榻窺人月上階穗城風景異情與老夫乖

補作論粵西人詩一首

一官踪跡淡如雲玉骨冰姿雅見君憶誦葳蕤蘭葉句雨  
餘風送國香聞幸恩霖

偶憶所藏明人墨蹟題三絕句

三宋而還董與邢香光妙筆總飄零偶然太僕留真蹟度  
閣聊傳翰墨馨邢伺董華亭墨跡所見亡慮數千種然  
實本過多偶存邢太僕橫卷尙稱真蹟願

邢書似未  
能如董也

冬榮堂集 松心廬詩草卷四

四

乃兄名筆見名姝題就龍眠大士圖遺卷閨庭最珍借何

論寶玉與明珠馬邢慈靜邢太僕之妹書法酷似其兄  
先太恭人曾以重價購白描觀音畫像上

題數十字乃馬邢慈  
靜真筆洵堪寶愛

七尺吳綾發興高小詩一册筆仍豪苦曠晚節論書品攫

取終煩志慮勞王鐸曩得王孟津大草堂幅跋尾有綾  
不七尺不發興奈何九字細審之乃鈎摹

贗作者稟而別購一自書詩册塗乙如爭坐稿已刻之詩  
弁鈐刻過小印於上後此册爲友人攫取向索則云此公  
晚年人品書品皆下子何必欲之  
竟不字歸吁巧偷豪奪惋惜殊甚

薄有

薄有

薄有時名狂不得從無俗興懶偏佳腐儒風漢隨人笑厚  
地高天著我儕將隱敢忘濠濮想獨醒堪歎汨羅懷茫茫

湖海平生慨白首誰憐志意乖

廣州冬日暄熱常如初夏住甫月餘仍有桂嶺之行  
書示振喬時喬尙東留也

昨歲瀘源厭秋熱今年廣州更奇絕單衣袒臂冬不寒亭  
午曦輪火益烈萬里馳驅傀儡場重山疊水來邊疆趨炎  
何預冷官事信美他鄉非故鄉故鄉走也宜歸去雪片梅  
花經行處低徊客思仍前途宛轉離憂逼歲暮人生萬事  
應隨綠鴻飛驥伏無不便我行暫亦還家樂問訊榕湖春  
水邊

瀕行前日喜晤倪雲癯少尉鴻出小清祕閣詩集相

冬榮堂集

松心盧詩草卷四

五

示並招飲草堂賦贈一詩即別

雲林已渺又雲癯高士從來不厭迂繼武詩孫傳異代能  
文卑吏即通儒人言官似神仙尉我道才砭世俗愚嶺海  
聲名今一晤離筵堪歎比催租

雲癯又出示乃祖三橋先生詩集即席再贈

論詩曾記海棠橋予昔作論詩絕句於三橋有云料得海  
棠橋畔過聯吟無伴獨扶筇今集中果  
有海棠  
橋詩  
吟卷遺珍興倍高鄉國詞華孫繼祖江山才筆雅

兼騷文人聚合能千古狂客吁嗟已二毛感我心情輸汝  
健登壇旗鼓敢辭勞

題豆瓣閒話圖爲雲癯

豆棚圖畫意。何莫爲年時感逝波。千古恨惟知已少。一官閒且著書多。辨來菽麥終稱慧。課到桑麻也作歌。君是吏乎還是隱。隨緣風月任婆娑。

題句琳琅數幅增。就中詩虎孰飛騰。田家雅愛儲太祝。野老翻同杜少陵。我本爲農識字者。君真學古入官能。展圖于于作清嘯。桐陰佳興何頻仍。  
雲癯曾著有桐陰清話一書

曉發

夜長夢寐多。醒聽發船響。悠悠西來路。遠水平若掌。我今再還鄉。恩坐天地廣。色然欣喜心。不覺意趣爽。披襟作微吟。初日照書幌。亦莫耽卯飲。蓬窗坐幽敞。

冬榮堂集

松心廬詩草卷四

六

舟晚

舟晚泊何處。他鄉卽故鄉。帆低風送遠。衣薄水生涼。人語隔沙岸。鳥聲催夕陽。行知行路熟。凝睇九嶷蒼。

舟中懷兄

我分離鄉復到鄉。平生道長歎。何常兄居皖國三千里。人別京門十二霜。流水易催絲髻老。浮雲每盼尺書將。扁舟容與蕭條慨。南海終慚陸賈裝。

蒼梧訪蘓琴舫

時學

許粵樵

懿林

兩孝廉值琴舫暫

歸藤縣遂貽詩於許而別

爰山老友吾所欽。二十三秋始一訪。停雲渺渺不見君。又

我歸舟欲西向君行高誼今古人擁書百城爭霸王如何  
覲面緣獨慳眼底炎風作冬瘴施梁潘許半未存丁卯詩  
孫罕俗尙若梧舊友梁絳芸潘臥霞施香海俱早下世惟粵樵健在喜相晤寄言春水明  
復來待我花前酌清釀

舟中讀琴舫寶墨樓詩冊爲題一什

當代交南起勝流挹蘇謂香海寶墨兩千秋地宜居近蒼梧

野天許名爭白雪樓古蹟鐔津殷考核琴舫有鐔津考古錄一書雄文

衛國擅清道集中李衛公廟詩七十韻實稱傑作我來空負班荆願吟卷船

窗誦未休

題風雨懷人圖爲粵樵

冬榮堂集松心廬詩草卷四

人生快意獨何在爲有良朋坐相對晦明隔手蒼天高懷

抱鬱紆發長慨寫圖見子方寸心古誼一髮千春深茫然

徐孺幾回榻渺矣成連何處琴南籬東鰈望周匝帝憫索

居倘作合一朝庶慰予朝飢那惜挑燈聽蕭颯爲雲從君

君爲龍大笑握手豐山鐘吁嗟此情雲更濃肯愧世間壓

與蛩我諾題詩廿寒暑下筆而今走風雨亦有懷人無限

思漸悔關河盡逆旅題詩爲誰交州許

再題二首次章卽寓予懷琴舫兼別粵樵之意

辛苦懷人意淒淒風雨時雲端試驤首何以慰相思涕淚

朋交賸蒼茫古哲悲一齋都爲盡心獨與心知

藤有蘇琴舫梧惟許月樵我懷仍不極得句亦無聊嶺雪  
東西道江風上下潮再來能一晤此別總魂消

蒼梧大寒發舟野泊

一寒忽過嶺野泊此扁舟山色陰晴變江波今古流勞人  
似奔馬薄宦觸閒鷗莫歎行裝儉囊餘晏子裘

昭平縣

一入昭潭驛江流徹底清峽爭天地險灘雜雨風聲信美  
故鄉水重過古縣城歸途吾自笑暫亦狎鷗盟

舟中閒遣示小圃四姪

路已近鄉熟紆迴百尺船人歸將餞歲汝別幾經年

姪去鄉亦

冬榮堂集

松心盧詩草卷四

八

三改 歲矣 贍有天倫樂無爲世俗牽相看各老大明鏡雨皤然  
予與姪俱倏 忽逾五十

白鷗

白鷗爾何事泛泛逐波閒石碓當門起溪村得路還潔身  
天地外清夢水雲間予亦倦行役臨流意自關

明月曲

明月幾時有青天萬古高孤舟耿寒夜流影入詩毫

明星曲

疏星夜夜寒誰凭碧闌干不見參商遠焉知離別難

寶墨樓有言情絕句讀之有感衍爲此歌亦曰長言

之不足云爾

君不見男兒呱呱一墮地不識百年干甚事春蠶縛絲情  
自牽舍此何人匪游戲放歌跣足聊徜徉唾壺擊碎金精  
光興酣直視天茫茫白雲衣狗空中翔方車有輪舟有舵  
陟山無梯河無梁鳳凰麒麟幾時見狐狸豺狼一朝變紅  
羊浩劫吁可哀朽骨北邙等豪賤長生可求秦皇死有死  
獨慮虛生耳祖龍雖愚信雄傑沙邱歲月在青史海水還  
枯石還爛賢奸並列媿者半艱難神禹亦胡然博取功高  
百王冠吁嗟乎我歌未已悲復悲人生情至無終期風雲  
尙恨達觀少聖哲都歸兒女私

冬榮堂集

松心廬詩草卷四

九

短歌行

短歌兀兀北風載蕭我有旨酒吹笙擊筑白髮已多不歡  
奈何瞻言痛飲一卧盤陀人生惟命彼蒼者天柳下士師  
直道宜然悠悠行路豈爲我顧狐穴傍徨笑彼朝露二曜  
遞遷譬如飛鳥六合雖寬蠻觸是擾咄咄深源書空何事  
曾謂目前不知快意今日短歌來日大難來日大難今日  
永歎不平固鳴伊於胡底西方美人懷哉之子蹇棘傷手  
茹荼苦心苦心勿道醉眠悒悒

舟過平樂

離樂交流處處蛟龍爾亦矜怒篙灘百尺奇石浪千層故老

詞華悶

謂郡先輩袁密山先生

豐功將氣騰

粵亂始平樂之永安爲髮逆所破今境內救安

不爭關隘險治術倘兢兢

時有爲關爲暴者行旅率不能平盜風藉以萌動蓋不免杞人之憂也

也

### 臘二日抵陽朔有懷

河水催年盡山城劃地開煖風遲釀雪臘意半藏梅臆憶

平生友

故人客蓮峯大令殉節黔中其姪堯丞孝廉亦下世

誰憐曠世才

唐詩人曹鄴實縣人

坐看石壁畫情往一銜杯

### 六日復至里門作

一歲再還鄉寸衷竊自喜老妻顧我語憂悶仍未已兒行

迫饑驅東涉珠江水臘殘不同歸漫謂路尺咫炎州瘴毒

冬榮堂集

松心廬詩草卷四

十一

甚何日始旋軌悠悠倚闔心此意實念彼聞言我獨慨繫

汝兒女子男兒四方志桑弧繫蓬矢能毋歷關河豈必戀

桑梓我汝當少時別離經者幾我從弱冠初奔走萬萬里

垂今四十春車馬無停晷老作南荒吏顛危又九死消息

傳果真生還亦已矣白首情最敦長繩出井底井底引銀

瓶牽連漆膠比茲者重晤言歡愛疑若始胡爲懷中腸絮

絮徒苦耳兒書告平安絡繹致雙鯉不貪識金銀要許掇

青紫排雲盼高鸞雌伏固所恥吾言盡於斯酌酒清有醴

矧我即復去滇山萬重裏暫焉賦棲遲那弗傷岵岵樂哉

在今日來日且勿齒虎豹氣食牛茫茫仰天視雖衰志益

壯拍案歌數起深宵泥行沾醉語雜佐使小妻旁亦笑狂  
客態有此語卿莫道狂詎是千副菊

梅花三首

雪裏峻嶒見一枝衆芳搖落幾多時美人風韻高人骨隱  
士姻緣學士詩占得春先偏挺特送來香到亦清奇饒他  
富貴誇顏色綠葉終須好護持  
品格高於籬下種精神尤在月明天綠珠自是超凡概玉  
笛誰教雅調傳老鶴空山人獨往煖雲竹屋夢俱仙壽陽  
莫漫矜粧艷耐冷芳情爲齷然

年來心跡託懷人松竹爲交淡最真林下清風千里夢隴

冬榮堂集

松心廬詩草卷四

十一

頭流水十分春終然老幹迴元氣儘有名葩總後塵一樣  
青山應樹汝爭教庾嶺鬱輪囷

懷人詩十五首

有序

平生知交半海內矣今寥寥數人蓋都癸丑以後  
迄今重與往還莫逆者而懷之新知故知悉無差  
別有前詩已及而仍複者其既歿之人或存歿半  
未知之輩姑略焉我心忉忉記一時愴慕思感之

情已爾

濟甯孫松坪

侍郎如備

長白興承齋光祿

恩

侍郎鬱清望說項心獨殷光祿亦仁賢騏驥能超羣嗟哉

雲泥判懷慨懷夫君

聊城李少村教授 宗泰

聊城實奇士不屑就卑更首藉有深交獨苦追烽燧君願

終能償我懷焉可置 君成進士後棄縣令仍為校官於曹

同里靳迪丞章京 邦慶

廿年故交友獨步青雲上詩句留珠江 君昔贈番禺張南

聲華盛閭黨機速訝謨參易哉在忠讜 山詩句為時所稱

同里鄧瘦梅大令 開連

梅花瘦可憐青雲倏高飛世俗慨涼薄何許梁肉肥君今

蒙山下憶舊當無違 君方令蒙陰

冬榮堂集 松心廬詩草卷四

崇慶周嶸山大令 宗濂

窮途有鮑叔一飯皆難忘揮手散黃金況爾情獨長側聞

衛桑梓組綬之何方 昔年與君邂逅於成都慨然助予贊

岑溪黎式夫提舉 令儀

一官苦飄泊黔粵蜀楚間墮世為才人世緣乃獨慳為君

設奇想埋筆耕青山 閩君尙帶留楚北

同里陸澹吾侍御 仁愷 昌邑徐華野觀察 河清

侍御誠清才觀察又老宿黔疆逢兩君青睞及溝瀆分攜

感逾深開卷就書讀 予昔蒙難黔中侍御解衣畀予禦寒觀察則話舊殷殷一如疇曩

休甯楊左山司馬言

酒人仰天高志士惜日短翩然別南明消息乃中斷吾誠

阮步兵君又嵇中散甲子黔垣送君攸正安遂無音問

獨山莫芷生庭芝 余雲濤松青 兩廣文

清華獨山秀學本父與兄芷生自言學詩乃其尊人猶人太史與哲兄子偲大令所授

青氈冷可耐佳句曾為賡君以公至永甯先投予以詩 更有澹心齋鏡

中仍錚錚

永甯龍瀛翹茂才運松

一家擅文辭小阮尤挺持死者不可回生者况屈抑吾衰

望後賢黔雲黯如墨生與其姪景高茂才初翔皆列予門文藝兼優風骨清峻乃兄荷廷明經

運光亦能文之士查城不守遭難俱死生幸獨留

冬榮堂集松心廬詩草卷四

永甯何耀亭武庠光明

一夫萬人敵萬人仍一心似爾干城才末俗嫉至今國

步亦艱難橫流淚霑襟予權篆永甯資君團練力賊不敢窺詎予去任讒慝仍問君於台同

永隨 淪陷

貴陽譚緝之太守元熙 威甯楊學三司馬保恒

新知如故知交誼但心許懷哉隔滇山獨處誰晤語宦海

鬱風濤予行未為苦

宜賓趙蘭生大令

贈投有新什濁世情獨親愛子風骨健識予得其真高門

備兵弟才筆尤嶙峋君為予言其弟元生觀察詩才特絕今元生備兵迤西予雖未及晤而夙

聞有冷面御史之稱君官真中風  
骨亦峻整別真時君曾贈予詩

藤縣蘇爻山舍人

時學

同里倪雲癯少尹

鵠

說君日在口文字真骨肉

予自廣州西來雲癯殷殷獨一訪爻山於蒼梧願迄未晤

晤偏自怪寥雲渺東矚蘇倪得後勁使我亂心曲

爻山詩集每景

文忠雲癯詩集不忘雲林

蒼梧許粵樵刺吏

諗林

一楫再相見發船蒼梧遠君自素心人何日重繼綵桂山

極南望獨坐歲月晚

除夕書感二首

道長今年乍里居今年道長半年餘

廿四年來予里居度歲惟今日耳而今歲

冬榮堂集

松心廬詩草卷四

古

歷真黔蜀楚以達廣州復自廣州歸粵在途幾半年

自驚身手勞何補不改頭顱歲

又除詩是平生難了業情多江海徧傳書

作書寄兄於皖並寄振喬粵東

蕭囊料理行當別一笑鄉園客舍如

春正仍須勾當公事於廣州並有滇南之行

行

滇粵關河望轉深娉婷弱女憶牽襟燈花送喜緣何事香

草懷憂總不任未必命真車脚木依然手散囊中金團圓

聊慰家人語柏酒當前且細斟

榕江途次憶予所買舟不日當至

溶溶百里走灘江落日歸途興未降信美故鄉宜飲水酒

人何處泊輕艖

將至里門有作

皇皇迫官程惻惻歸故里吟秋就菊花且入詩卷裏

冬榮堂集

松心盧詩草卷四

五

冬榮堂集

松心廬詩草卷五

臨桂 廖鼎聲 金甫

己巳

元日試題

脈脈轉年芳春從此日長隨人尋樂事老我得清狂把卷  
宜書癖銜杯已醉鄉兒童走相慶顛倒著衣裳

預計今年事悠悠歲月賒微官猶蟣蝨吾道亦龍蛇暫此

還鄉樂毋爲行路嗟滇雲去終返意肯失桃花

今歲將復入滇實料

題桐江訪友圖爲宋凱臣

冬榮堂集 松心廬詩草卷五

訪舊豈無意爲圖還肖真自成物外賞同作畫中身野鶴

如高士流鶯誰比鄰桐江亦吾友懷想幾經春

流水環門曲蒼藤葢屋居此門猿鶴冷何事鷺鷥疎到眼

只觀畫乞身宜著書因君問安道林壑竟奚如

桐江乃李所居村前水明府今復出仕於蜀故云

入春將復去廣州因以適滇與芷庭夜話有作

一半流光道路餘一因投老悵離居雲橫故嶺花開後月

當庭筵酒上初亂世功名歸氣數腐儒生計誤詩書豪談

此夜情無盡曾說鄉園客舍如

昨歲有一笑鄉園客舍如之句  
瀕行前數日芷庭觀察王春農劉玳石兩太守鄭明

軒大令王侶樵莫景亭兩參軍以次招遊開元寺登  
綵山諸勝苙庭並有詩贈別感成三什

蟻蝨埋憂萬里臣瞻雲心切故情親豈無粟里歸田興偏  
是蓬根遠道身極望兵戈仍未已暫時風月許爲鄰寥天

一雁高飛迴况觸離悰皖水濱

家兄尙  
羈皖省

滇國賓僚聚一時孤行歎我竟何之

時滇中同宜在桂林  
者九人苙庭有滇南

萬里又孤行之句 家無擔石難甘隱室有琴書每繫思挾策尙蒙

干祿恥揮杯已是惜離期憑誰好作榕杉主懊惱心情白  
鷺知

眼底青山送別情勝游難遣奈春征桃花水漲江千尺竹

冬榮堂集

松心廬詩草卷五

二

葉香飄酒一城此去漫勞知已問得歸應計再來程巖雲  
點筆新題就並入驪歌緩緩聲

### 登綵山

遊山何嫌獨况此經時別春風吹我裳疊綵坐幽絕臥鋪  
幾曾醒福庭信高潔

### 開元寺

開元古名刹自歷隋唐年故人招我至靈塔仍巋然惟懷  
褚公蹟豪奪吁可憐

寺有褚河南真書舍利  
碑爲嗜古者攫取以去

### 雨夜對酒

怕作別時語聊爲此夕吟夢婆春又到天帝意何深酒筵

愁中盡雲連雨後陰與來還把卷疑恐是書淫

醉時歌

醉時歌歌浩然明明月蕩蕩天藐一身吁萬里懷青山如  
白水白勞燕各東西朝策馬暮聞雞朝發船暮擊鼓河之  
干江之滸酒欲盡歌勿休居者樂行者憂雙明珠徑尺玉  
酬君恩苦不足石有髓棗有瓜仙乎誰爲歎嗟歌且停酒  
復酌來日憂今日樂

立志篇二首

愿九州涉四海歌烏烏計安在人有志弗改雙丸奔莫

我待

冬榮堂集

松心廬詩草卷五

三

灑山高桂江碧乍歸人遠行客髮已霜心匪席拙自安老

可惜

短歌行

問生年不滿百看階前無盈尺身勞勞語脉脉來日晷今  
日愁今日歡來日憂天且遠路何修愚者逸智者苦拙者  
奴達者主抱一心希太古

辭家日感賦二首

江海勞踪且莫論馬牛呼我任聲吞天教墮地爲羈旅人  
逼衰齡計子孫聚鐵六州真鑄錯酬金一飯忍忘恩蒼茫  
最觸平生感蘇季歸來位不尊

終天遺恨痛難除垂老荆花帳索居孤注此身足憂患獨  
遊無侶望音書登龍河鯉人爭羨嗜鼠飲鴆鳳不如一寸  
雄心三尺劍也同鞭著祖生初  
陽朔晚泊  
近郭亂山堆扁舟得得來去年方去路新歲有新醅鳥解  
逢人語花疑對客開江春風日晚聊泊縣城隈

松林峽

狂客一詩豪年新首重搔松林森石壁楊柳豔征袍日影  
窺船入灘聲過峽高東遊吾底事選韻亦勞勞

梧州懷舊

冬榮堂集

松心廬詩草卷五

四

半載忽三過蒼梧江上春難餘思故友代遠有聞人疾病  
身如繫鄉山夢倘真悠悠東逝水惟有涕橫巾

再至廣州

年光催令節詩思在扁舟獨客飄搖感懷人浩蕩愁波濤  
驚出險天地一登樓回首鄉關隔雲山又廣州

僑居蔭樂園卽事成詩三首

名園依綠水暫此客中居細葛三春後

廣州春暮  
卽衣葛

新荷四

月初懷憂增旅感失喜見兄書漫道濠梁趣非魚竟不魚

第一句  
用杜

羊石重尋蹟仙人去不回霸圖空已矣古抱亦荒哉抵掌

新詩句傾心濁酒杯偶然成獨往還上越王臺

兒曹亦多事清詠慰予心

振喬客廣甯來省予於此兼呈近詩憐汝獨爲客

論交誰最深園花看異色海鶴奏高音勉矣無他囑涼秋  
返故林

### 少年行

少年子誰家郎白馬鞍黃金裝左執虎右驅狼進美酒郎  
鄴倡醉扶歸月光不敢近睨道旁少年子誰家郎

### 登高邱而望遠海

文飲酒伊彈箏君萬年空復情心有悲弗能己心有樂胡  
自喜霜上髮當奈何人間世憂何多登高邱望遠海白日  
冬榮堂集 松心廬詩草卷五

五

馳蒼天在垂令名應不滅牛山哀五中熱

### 偶憶滇物各綴一詩得四首

木變石 木形石質可製爲硯名曰木變石或曰

實歲久而變者

似木仍爲石真宜與爾居硯田商位置蕉葉白還如樸古  
千秋質堅蒼一握餘良工矜寶玉對此獨軒渠

空心石 石大小皆中空製爲注水盂或壺盎之

類不假雕斲其式最古鎮沅廳地有之他處不

生也

混沌何須鑿中空無物藏獨疑小天地包孕自陰陽

隨花香 木可製爲珠熏以花則香如之易他花  
又如之故名隨花香爾

臭味差堪物物宜有心松柏幾曾知笑他瀛國恩榮盛百  
八牟尼好護持

透明魚 廣西州郭外十里許瀘源洞中所生似  
晶亦如冰腸胃皆見此魚置他處多不活且不  
易致

游泳依然樂性真一生坦白厭囂塵肺肝見汝從無遁癡  
結隨人亦自神丙穴由來珍玉骨辛盤莫漫羨金鱗瀘源  
可似桃源隱欲向前因問化身

冬榮堂集

松心廬詩草卷五

六

上王補帆方伯

雲泥雖判性情真萬里雄藩事業新青眼故交憐賤子黑  
頭公輔信傳人清操自酌廉泉水惠澤偏敷粵海春西建  
節麾思借寇寸私先冀活邊民

京國曾分鮑叔金鶴終不舞愧難任十年宦海風波惡九  
死沙場戰伐深葵藿頓增今日慕邱山原是舊時欽自嗟  
鋒鏑餘生在賸欲抽簪返故林

廣州喜晤王溥堂大令

壽仁

越日見惠四詩作此奉

答

一朵飛雲午夢醒新詩脫手玉瓏玲深情欲縛絲成繭浪

迹偏隨絮作萍投老髻緣羈宦白重逢眼獨故人青會難  
別易多增慨還補離騷舊日經

和韻倪雲癭見贈

投贈無多語殷勤見古風微官塵海裏老我道途中意氣  
交宜洽文章事最工憐君兼自惜何日薦揚雄

食荔枝

離支真可啖今作嶺南人吾意獨蕭散炎風十丈塵天涯  
驚節序佳品饜時新好紀珠江勝橙香一例珍

新會產橙  
色香味俱

美予謂不  
減荔枝

溥堂迭惠詩兼招予飲即席奉酬

冬榮堂集

松心廬詩草卷五

七

嶺海於今有故人琳瑯嘉貺鎮情親憫忠我惜朱公揆

謂伯

韓講學君推鄭子真

君以小谷  
詩集見贈

風雨廿年愁裏夢兵戈六

詔難餘身一尊苦作當筵勸知是陽關譜變新

時予將返  
滇南行有

日矣

贈南海何章仁布衣

世文

君我神交廿七年今來把臂慨華顛友能求助終相應

卯癸

在梧因故人唐君得與君文字往還迄未謀面今又因雲  
輿始相晤於閒鷗館君年八十予亦望六矣予且不日將  
行一晤即別詩到能傳即是緣

貽予詩集皆君  
友人為代刊梅子黃餘

爲之悵然  
新雨後荔枝紅遍夕陽天等閒坐入閒鷗館忽漫傷離又

目前

廣州別兒子振喬

我行滇國返復此桂江過

時擬取道樂昌復因前路周折仍由桂林趨衡州

汝尚

炎州寄其如別緒何雁鴻隨地有兒女累人多早作飛騰

計休辭鐵硯磨

此別難言處予年半百過酒酒已皆是佼佼更云何曩識  
中郎少鞭先祖逃多所安惟淡泊志意肯消磨

別溥堂

故人相思垂廿年粵滇萬里東西天忽逢珠海真前緣  
緣雖好慘將別離堂燭高酒芳烈一曲驪歌又幽咽廣州  
城北春欲暮廣州城南我行處此時茫茫但烟霧安得重  
冬榮堂集 松心廬詩草卷五

八

親更故鄉挂冠各自成徜徉白雲招手澹湖旁宦情已薄  
君識我馬牛相呼無不可暫復飢驅出道左

蒼梧道上寄雲癯

發船西上蒼梧遠與君相識獨恨晚君自珠江成故鄉繫  
予薄仕滇池旁此行迢迢復萬里黯然魂消別而已君才  
猶屈卑吏卑談詩爾後當告誰九嶷山高雲墨色片帆炯  
椰意登適寄君一語君勿嗟古來名士多天涯

舟夜雨有作

炎蒸忽欲盡一雨如新秋白鷺泛將沒蒼龍吟未休因之  
酌美酒可以發清謳滴瀝聽蓬背穩眠何所求

梧州喜蘇交山過訪舟中兼憶許粵樵

猛陵風雨後忽枉故人來船載書聲出天教霽色開別經

星二紀詩誦日千回還憶許丁卯論文未與陪昨歲過梧不克與之交

山晤粵樵貽予交山詩集今粵樵又秉鐸南甯以去

交山惠詩並貽所著書數種作此奉答即別

亂後逢君在鬚眉各老蒼讀書真巨眼寶墨有英光邊徽

清才絕勞人別緒長此行天未遠名筆壓輕裝

文獻鄉邦重君尤意氣深名山搜絕業孤鶴響清音豈但

誇飛將終然企古心麤疏吾獨愧敢詡伯牙琴

晚泊即日

冬榮堂集

松心廬詩草卷五

九

晚泊饒佳興蓬窗眺望中山銜孤月白霞影一川紅就宿

隨沙鳥忘機羨釣翁偶乘微醉後披拂愛清風

昭平縣

亂灘流一縣落日急孤舟天小峽中路山分嶺外州哀猿

啼未已飛鳥過仍留客子風塵色休誇故國遊

客心

客心流水急偏作上灘行天地此羈旅雲山多遠情事同

蒼狗變身羨白鷗輕獨有仗忠信風濤漫不驚

懷兄二首

懷兄詩百首何以慰離心嶺路東西接江濤日夜深附書

遲不到有夢若爲尋聞道思予甚壻篋感入吟  
壽骨期同健微生重可嗟宦情原水淡孤寄各天涯宛轉  
身何繫威遲計總差繫予此行邁愁思鬢添華

平樂雨泊

一舸揺詩到昭潭畫裏看客途三日雨天險百重灘臨賀  
原邊徼苗蠻詫長官旅懷因自笑努力是加餐

自羊城解纜越今廿有七日陰晴各半溽暑不侵數  
日復甚雨無休望陽朔諸山奇景作此遣興兼寄廣  
州諸友時在夏五朔四日

炎天徧漏雨所得是清涼客路真銷夏人情重到鄉蓮峯

冬榮堂集

松心盧詩草卷五

十

千疊隱蒲酒一尊嘗復此朋交憶仙風話五羊

雨中望螺山瀑布歌

青巖壁立森開張平江烟霧橫蒼茫白龍噴沫幾千仞飛  
泉激響空中望螺山之勝世亦罕螺山形勢何昂藏盤旋  
擬接仙人步拄杖九節堪游翔是時甚雨不可止大瓢翻

倒傾天漿正我搖舟向山笑好景那惜相論量推蓬指點

倚紅袖誰懸匹練騰珠光

時聽梁姬人  
所言如此

聞言忽欲發奇想

自來瀑布匡廬強水簾倚卷昔亦見天台又說穿石梁名  
區品題每增重眼狹未免輕邊荒試思轉移易彼此詎謂  
邱壑難顏顏谷神有靈爲誰待愚公無力嗟予狂碧蓮大

小陽朔住古縣况復非殊方長歌持以慰幽獨螺山頰首  
心應滅

畫山馬圖歌

畫山畫馬誰所見馬圖一紀文達碑

儀徵阮文達公督粵時題崖曰畫山馬圖

造化於人弄狡獪世俗每每誇新奇我慙茲途已八度但  
訝突兀森陸離馬形二三獨髣髴敢道工巧非人爲或云  
是圖實雄怪要具天眼能全窺此言謬悠益弗信神龍且  
露鱗之而石經細紋紛可數有馬胡爲至於斯吳門匹練  
記顏孔往事聖者猶傳疑矧今舟人妙指點苦騰口說殊  
厥辭峯崒巨觀要無兩英雄何必人人欺穆王八駿日千  
冬榮堂集 松心廬詩草卷五

十一

里作圖果肖將安施磨崖大書署名字運斤鑿空空忘疲  
以實證虛偶然耳淹通灼見吾不師眾峯趁勢壓蓬背挂  
帆西日還風馳

桂林

落帆又見故鄉山慘戚翻增客子顏骨肉音書千里夢兵  
戈驛路萬重關初衣有願曾誰約空篋餘詩忍自刪莫慨  
此行蕭索甚他時仍許載琴還

怪來

怪來一事真爲笑人客他鄉我故鄉江雨平添千尺浪山  
雲羞對滿頭霜已拚生計迂還拙忽復高歌喜又傷終竟

眉間饒悍色龍鍾老叟固難量

發舟走筆示振瀚

別意傷予苦豪情畏爾知發舟如矢志千里竟何辭酌水  
心應勵登山路自卑平生荒學感努力是男兒

舟夜與客共話

荒荒孤月白遙夜泊輕艫宿鷺靜依岸流螢飛過江揮杯  
情易密說劍氣難降獨歎吾謀拙微官復亂邦

病起書懷

遠道真遊侶經時此病夫關河雙鬢老天地一舟孤藥裏  
誠何物詩歌且自娛艱難慰生理清靜亦良圖

夕榮堂集

松心廬詩草卷五

三

灕江

一水亦相離茫茫地脉奇鑿渠秦史祿通道古蠻夷石瘦  
怒翻浪沙明清散倚故鄉仍是客憐我竟何爲

題靈渠飛來石

禹功不到處神物獨飛來奇石千春聳靈渠百道開不應  
求力士長此憶雄才象郡山河古先秦劫盡灰

磐泉

湘源古時縣磐石有寒泉澗水清人目巖雲墮客肩路環  
城下曲塔影鏡中圓到此懷幽隱游踪卅五年

予乙未居全州幕曾

來游於此

全州

三度故關成過客

去今兩年三經故里牽率公事皆不信宿而成行

遙程今又出

全州地臨楚塞逶迤接帆下湘源自在流

自廣州至臨源皆溯離江而上

今始入湘壯士行歌惟遠志美人香草半離憂蒼茫獨立情何

限酌酒因之一散愁

雨中望衡嶽不見有作

我行湖灘復沿湘矯首望嶽心傍徨衡雲不開雨連日芙

蓉九面知何方憶昔曾游上封寺虬龍松古仙鶴翔朋友

零落漸已盡廿三年事還滄桑

丁未予借莫以南大令登衡峯頂今以南早歸道山

嶽靈見予應抵掌此老詎獨誇堅強胡為奔馳仍萬里豈

冬榮堂集

松心廬詩草卷五

三

真奇景終難忘眾山壓舟亘青碧祝融偏自空中藏吁嗟

人生貴快意目前所得詩成囊固識巖巒不到眼毋乃笑

兀羞塵忙南風夜來吹五兩片帆且下長沙長待取歸途

選晴霽曦輪杲杲騰晶光退之精誠天可格七十二峯如

連檣

湘江道中絕句二首

北風江上水吹客不禁寒

連日北風寒甚欲衣棉

病骨年時異猶應

少壯看

五月渾忘暑千山獨送行回頭望歸路詩思入湘清

湖水最清

江漲今成濁流

野泊

野泊夜復夜燈枝照獨愁何因歌楚些明發下潭州

星沙獲晤葆珊兄別十五年食頃卽又登程黯然成  
此兼懷仲變兄皖上

人生何處無離別離別魂銷語復咽今此睽違更淒絕少  
年兄弟不可當雲霄意氣都揚揚那識鴻鵠空游翔游翔  
萬里歎孤特抵鵲連番賤瓊璧疾走分飛况邊域邊域悠  
悠逾十秋餘生鋒鏑夫何求五岳方寸心煩憂蘇季金貂  
益悵惘杜陵衣狗事恫怵悔遂風塵坐鹵莽湘中病骨蓬  
荆花皖公又遠天一涯

葆珊兄時已引疾而  
仲變兄淹滯皖省

得弗相憶邵

冬榮堂集

松心廬詩草卷五

十四

平瓜頭顱老去健者幾警欬纔通亦可喜喜極忘言歌靡  
靡靡靡當歌仍有行荒波百尺舟搖旌執手臨軒何限情  
鉤弦旣殊桷鑿異斲枯得失難自計君我連枝本同氣同  
氣多應暹勉深盈盈酌酒千春心豈不懷歸瞻故林他日  
滇南奠歸路沅澗水會橫石渡茫茫是我思君處思君彌  
望江東人夙約坡翁視穎濱

仲變兄貽書望  
予歸田久矣

攬身四顧一

霑巾

冬榮堂集

松心廬詩草卷六

臨桂 廖鼎聲 金甫

己巳

雜詩六首

真宰任自然不爲眾物拘人生貴自得安受古昔愚讀書  
略識字觀理明其粗茫然昧天命終竟成俗儒所以子輿  
訓孳孳聖之徒卜氏聆師言亦惟君子趨  
炎曦爍黃金滴水不解煩層冰積厚凍微火不見暄一朝  
氣候改天地始爲恩榮枯視草木秋肅還春溫何論窮達  
閒大造斯本根守拙性所定識時道逾尊

冬榮堂集

松心廬詩草卷六

一

低頭希世榮豈弗愧妻子行尸雜坐肉各各快意旨色厲  
終穿窬外彊中乾耳古來立功名澳忍詎非恥淮陰羞伍  
噲傲物亦氣使留侯從赤松所以誇進履  
知人信獨難惟聖有不足何況千載下悠悠定流俗耳食  
固非倫阿私亦多欲探驪思得珠抵鵲肯投玉吾嗤荀文  
若盜譽且干祿吾笑禰正平潔身終求辱

平居慎交遊溷迹塵濁中軟絲實非尙堅革仍弗攻苦遭  
世途惡幸爾天所衷走俗任心競扣關方耳聾惟念同枝  
鳥分攜西復東江海能合弁甘爲囁嚅翁

遨游挾孤舟行止盈尺地暑寒在逆旅於我干甚事揮手

日萬金毛銖自安置乃知名利場消磨一壯志伯倫思痛  
飲荷鋪匪兒戲子雲識頭顱追復問來世

舟行阻雨

一雨消煩暑行程又滯遲客懷空自苦天意亦難知病欲  
丹沙乞愁惟白墮持似聞煙語細飄泊問何之

同行有舟  
詢予何往

沅江道中卽事書感

嗷雁驚聞澤國寬江湖風雨夜漫漫湘蘼沅芷愁何限粵  
嶠滇雲去故難羈旅此情惟澹泊萑苻無賴本飢寒瘡痕  
我亦流離者卅載天涯瘁羽翰

夜泛

冬榮堂集

松心廬詩草卷六

二

舟行遠樹忽人動岸闊疏燐乍星朗極天雲水一茫茫坐  
聽西風激波響

武陵漁者

短篷生計託江濱不是塵勞不隱淪到眼武陵溪自好桃  
花何必問迷津

數日苦暑舟上辰州諸灘

酷暑連宵寐不成蓬窗聊接水風清村雞唱月纔當午腸  
客思秋正伏庚打鼓開頭橫石浪瓣香銜尾伏波營五溪  
今上辰陽路消受炎威幾日程

六月廿有二日微雨對酒戲成長歌時抵辰州小泊

城下

人生百年只有三萬六千之日耳嫩年稚弱老已衰中間  
牽率人事又疾痛但覺怡愉苦少多傷悲矧當上壽復幾  
輩白骨易朽飛黃埃古來帝王將相妍媸靈蠢盡漸滅勢  
位富祿安在哉榮名可寶尚不惜乃知塵濁同蒿萊造化  
視人一俄頃錢鏗八百猶嬰孩我今悠悠在逆旅炎風吹  
火心魂摧眼前突兀奔走東西南北一十萬餘里紛然身  
世難遣雙眉開狂歌宛轉惟此盈尺地焉得凌雲奮異直  
上清涼百丈之高臺吁嗟乎昔賢作達日飲三百杯醉鄉  
廣大無疑猜請君酌我葡萄釀醪無算傾尊疊縱不能仙  
冬榮堂集 松心廬詩草卷六 三

滯留

滯留何事意難勝獨立蒼茫百感興世態久經成蜀道旅  
懷不覺到寒冰蜂原蝥毒知來未蟻任盤旋得去曾今日  
悠悠明日住漫因山色戀沅陵

沅陵寄書葆珊兄長沙漫題紙尾

眾流趨滙郡城高千里威遲客思饒魂夢我隨鷗鳥遠音  
書人趁鯉魚潮經旬苦暑雲如火微雨生涼月在霄此後  
沉陵西上路星沙回首更迢遙

疊前韻寄家人

西山辰水低徊絕回憶鄕園景物饒灘浦清冷先見月海  
門迢遞獨通潮

振喬方  
客廣州

愁中夢欲迷三楚望裏書還寄九

霄人事可嗟親故渺天涯涕淚一身遙

用杜句

立秋日作仍用前韻

愁裏吟多翻自厭客中秋至亦偏饒到船星影疑浮水匝  
岸灘聲抵上潮旅雁有情橫極浦孤雲何意入空霄西風  
冬榮堂集

松心廬詩草卷六

四

鱸膾誰無思我獨天南萬里遙

紀夢作

夢魂零落處淒絕此時心纖月洗空浪涼燈生夕陰貽君  
錦繡段投我瑤華簪宛爾還相即思之不可尋

獨客

獨客難爲計無人慰旅愁片雲沈遠渚涼雨入新秋道阻  
金偏盡星回火自流蕭然撫身世不似託滄洲

鳳灘謠

鳳灘視橫石險絕莫能狀十日傍灘居何日灘始上  
橫石三十里半日已過灘十日鳳灘前悲歌行路難

黃師亦云險鳳灘又若何行子語長年長年愁已多  
黃師稱疊阪鳳灘乃三疊中灘尤駭人上下無路涉  
十日鳳灘尾何日到灘頭上灘忽已下下灘水自流  
大水行不得水流如箭駛小水行不得閣船在灘底  
下灘不可行飛流入石底上灘不可行閣船在石裏  
舟行上上灘前有兩灘在又行上下灘回頭灘似海  
節節鳳灘上長年笑向人灘路固云險篙師亦可瞋  
不知蜀道難請看入蜀路人心灘更險鳳凰在何處

半舸吟並序

避鳳灘之險而步出岸間犖确刺人水港復阻有

冬榮堂集

松心盧詩草卷六

五

小舟已斷其半乘以渡焉亦四十年行路之一奇  
也作詩命曰半舸吟

益渡圓船都過了

昔年行皖中有以益爲渡者中州黃河又有圓船

方舟逆旅又

今時

舟斷半其形正方

半人意氣豪原在一雨沾濡慨不支

傾盆之雨七人共持一蓋有人即以斷舟覆地避雨難得浮槎開笑口劇憐斷梗要

新詩滔滔逝水愁無極聊坐灘前憶釣絲

北河

北河何計出辰州灘石無情水自流半月工夫今破卻西  
風涼雨在扁舟

自辰州取道北河水險雨復漲半月不前亦無他途

可改行四十年逆旅此次濡遲彌甚書以自遣

荒荒人事天難測緩緩郵程我自嗟窮旅竟成維谷象病  
懷真悔此行差涼燈坐雨風吹夜很石當關浪作花欲效

王陽何計是強憑學易問生涯

舟中讀  
易自遣

### 行路難

宣尼十五國子卿十九年我今浪遊越卅載十餘萬里賢  
乎賢逐逐碌碌竟何謂敢謂大任由蒼天男兒柔弧四方  
志墮地能啼即多事馬牛不走徒飢驅於已無益世無利  
文章乏實用名業等兒戲羞說浮雲富貴場頭顱老矣還  
他鄉飛騰馭驥知多少鹽車駑馬爭昂藏行路難難如此

冬榮堂集 必心虛詩草卷六

嗟哉太行亦崔嵬以視人生猶易耳不信平生馬少游烏  
鳶跼跼愁更愁當時意氣空自許可憐骨相非封侯封侯  
亦弗羨征途良已倦河清人壽知幾何夢幻泡影還露電  
但得高歌百念寬揮戈休用涕洟瀾洋洋沁水思君子世  
事奚如行路難

### 鳳灘續謠

鳳灘必縫灘石罅駕高浪無縫地何鑽無梯天何上  
能陟太行險莫行北河舟鳳毛不可剪我歌愁復愁  
將何比灑瀆水底石爲刀不聞鳳鳥鳴惟聞杜鵑號

北河迂滯前詩意有未盡復備言以戒行者

蜀川信奇險始我避此途奈何北河舟險絕尤難摹強山

挾惡水日夕波濤麤予因畏蜀江險取道小河謂一里有

數灘尺寸平流無一旬還九漲窘步成趑趄河無日不漲且日數漲消

俄頃即宜趁行然箭石擊船碎時時聞號呼登陸既失路

峭壁愁猿狙沅陵至王村三日程行已廿日初詢之沉令

無路亦無夫距王側探茲河源眾派匯一渠荆鄂混黔蜀

村五里四日不至建瓴從中趨巖巒又繞阻怒吼奔天吳石縫羊腸間焉能

使寬舒鳳灘實縫灘稱謂知必誣他舟恃神助風利吹懸

蒲此舟惟空檣片帆亦無須他舟賴安泊鍊貓且匏壺此

舟獨繫纜就岸方無虞我今坐囹圄逆旅真囚奴舟無帆貓之屬

冬榮堂集

松心廬詩草卷六

七

每作退飛鷁藉之生利圖心魂駭急難忽爾爭須臾舟子利於

有事每當急流故使退行或已泊又退夜則斷續使前船

然幸未擊石上其日行數步或不移尺寸詭謀茲多前船

與後船銳進猶勤劬我舟偏伏戎鬼域人人殊繫彼性犬

狼逞惜羞穿窬咄嗟瓊上針事事增喟吁入坎未許出占

離其來如目親舟人惡狀又占易驚得離四爻竊念蒼昊仁豈容姦宄徒羣

峯應剗削稍稍變亨衢不爾受水河封塞吾非魚商便估

盡樂兼堪靖桂苻而我一粟耳藐焉七尺孤居恒仗忠信

久矣輕江湖到茲智力絀輾轉命矣夫憂傷亦胡為志意

明區區早知有此患驛路仍夔巫庶免厄窮荒顛危謹持

扶作詩語所親丹赤終不渝磨涅或磷淄不曰堅白乎更以貽後來慎毋爲人愚我苟筮履坦叫天予何辜

贈梁姬

憐汝幽蘭質同予歷險艱驚魂摧駭浪涕淚走荒山

避步

入荒谷間達王村以待予

兒女情何繫英雄事等閒所嗟惟失路相對益愁顏

龔灘客舍倚樓望灘險有作

怒吼聲何壯龔灘此日經一樓當濁浪千古駭奔霆坐恐潛妖怪相將望杳冥禹功從不到愁絕况飄萍

病懷二首

冬榮堂集

松心廬詩草卷六

八

病中人事廢彌月已無詩憂世才何補懷鄉慨不支路長偏雨漏天遠看雲馳蜀地陰寒極征衣檢莫遲鶴骨難禁瘦龍鍾且自嗟一官虛歲月卅載倦天涯活火深嘗藥涼燈故作花不堪追往事衰白只離家

簡書

簡書真可畏行役竟無休路極雲山遠身多疾病憂兵戈誰設險風雨此吟秋已是重陽日黃花照獨愁

渝城武侯祠下與故人馮君話舊移時卽送其發舟

之楚感集杜句

感君鬱鬱匡時略老馬爲駒信不虛萬里相逢貪握手幾

歲寄我空中書松林藺若秋風晚草閣柴扉星散居誓語  
帆檣還起去浪翻江里雨飛初

聞小樓娃土彥於孟秋已入滇途中有寄

亂極兵戈憐汝在孤雲萬里竟西來

春初聞秦中軍亂姪正在彼今忽聞公幹

來滇平安足慰

合并無計愁思苦消息欣聞笑口開莫以浮名歸

否運何嘗明主棄英才慨予頭白勞薪叟預擬昆池對

舉杯

雄心

雄心磊落竟何成兒女恩仇事重輕不借酒杯增涕淚只  
留詩卷定平生悠悠華髮人間世莽莽塵沙難後情家國

冬榮堂集

松心廬詩草卷六

九

隱憂身疾病此中惟有歲寒盟

旅館偶成

旅館蕭條雨氣寒伶俜病骨向誰歡身如蓬泛千回轉心  
是梅含一味酸品格漸卑詩太苦交游相逐夢仍單百年  
強半遭時侮獨對燈枝語夜闌

予病瘡登程由渝至永梁姬於兵戈中獨行先入滇

永甯雨譌有序

蜀永甯縣多雨而月不一賜晴故有永甯雨之諺  
也路阻住將經旬愁思莫釋因衍成五解以紀地

異兼寫我憂云

永甯雨無時休征輿彳亍行人愁何況我心多煩憂

一解清

風不來白日死十日如坐窮谷裏仰視皇天亦靡靡

二氣解

毒淫兮地卑溼永甯山高乃千級層雲合沓在呼吸

三前解

途干戈又當奈何所思不見憂彌多永甯之雨翻成河

四解

我聞黔無三日晴蜀中此與黔相鄰蜀地真濁使我瞋欲

呼乖龍割爾左耳以怡我神永甯之雨乃可馴

五解

### 立冬日書感二首

撫時春已冬偃蹇在行路天地界我身厄窮乃無數茫然  
神內傷欲語向誰訴回頭少年場燕粵視跬步即今老又  
衰何以慰平素鴻鵠多游翔繫予只如故俗榮要非羨但  
冀遂初賦葆真樂餘生方寸獨貞固筮易七日復閉關絕  
冬榮堂集

松心廬詩草卷八

十

塵務

凝陰初未覺行子顧無衣檢點篋筒藏緼絕失光輝殘編  
信手獲把編猶依依讀書坐自誤餐爾焉能肥蘇卿千時  
策始願何乖違乃知宇宙大擇術慎所歸裘馬美且都豈  
防寒與饑識字憂患始執鞭若可希味哉宣聖言君子終  
知微

### 越日再作

積雨旣彌月容心成獨憂傍徨在中途何事滯與留前路  
盛兵革關河悲阻修危仰自太息嘯歌誰爲酬骨肉六地  
居相思白人頭身如孤飛雁失侶鳴啁啾夜寒擁衾枕疾

病還無休願天掃黃埃使我行悠悠

悠悠歲月邁惻惻行旅艱西瞻烏蒙道中阻雪山關雪山  
多涼風暑月悽容顏况當元冥時做縕茲往還十年膺簪  
組踪跡寒儒間守貞類松柏焉效世俗頑天帝鑒我衷厄  
窮甯弗刪願同壽金石耐老身投閒

夢中接仲變兄書展閱之下涕淚而覺於枕上得句  
因足成之

夢中得兄書枕上悽以泣何由悽以泣別人老將及夢中  
還不見但見墨痕溼皇皇文字新慘慘神魂入不敢對詩  
篇搜身向東立

冬榮堂集

松心廬詩草卷六

十一

偶得二首

瞳瞳旭日上耿耿懸天中纖微無遺照妖魅焉能蒙月娥  
本陰精意象難同功固知陽剛德正氣開鴻濛赤烏爾勿  
逝萬古長生東

陽窮濟以陰天地所以立六合一至道月出而日入悠悠  
真宰心下顧塵濁泣美人隔雲端延頸望何及蒙生發微  
詞百感敏閭闔

招集同人夜飲旅舍感作

無聊聊命酒明燭照高堂飲食非宴樂友朋何參商夜深  
寒月大春早老梅香君子崇令德珍重成圭璋

爲客

爲客友生重懷人獨慘傷心輕千里遠地隔四山荒行子  
減容色窮邊尙陸梁顧瞻旌與旆離合乍陰陽

古意

昔我入燕都游息至大梁緬思夷門客意氣增激昂勿頸  
報公子高風如可望自茲十四載南雁無北翔踟躕處蠻  
徼間行趨鬼方結交亦多賢古道今豈荒竭來中華士擇  
友昧所臧窮奇渾敦徒比匪爲參商何以表予心明珠珍  
夜光何以見子懷利劍生寒芒劍毋置人腹珠尙韞櫝藏  
仰天一長歎白日霏清霜

冬榮堂集

松心廬詩草卷六

三

獨客行

有序

六瑩堂詩有孤兒行讀之酸楚予作客垂四十年  
今益困厄孤獨老且病兼阻隔中道與孤兒境異  
情同乃仿六瑩變其意作此不自覺涕淚之無窮  
也詩曰

獨客何獨客獨客苦苦獨客苦不得歸不得息苦摧心肝  
疲筋骨獨客少時意氣盛奮高翮奔走燕趙齊梁吳楚秦  
晉更入蜀黔滇萬里歲月已易獨客苦苦念父母父母不  
在悲望呖咕失恃怙苦苦念兄兄亦獨客於外江之許念妻  
單兒弱嗷嗷貧窶客苦今茲一身寄他鄉一妾方偕行偕

行數千驛程苦不盡忽又分離譬牽牛織女銀河橫中央  
鴻鵠仍孤翔彼且獨客爲女流歷關津兵革在路愁人腸  
獨客阻留中道舉目無親病此離誰扶將僮僕各一心思  
又憊客苦獨客苦旁人不憫獨客獨客有金尙可豐衣食  
聚友朋馳騁游陟獨客金盡衣敝食弗飽友朋娜媮僮僕  
慍色病無肉面鰲黑雖有官職九死一生屢遭顛厄內顧  
俯畜無資囊無儲干時無策獨客奈何蒼天佑獨客  
獨客安行就所居粒粟飼鼠池水養魚小草沾濡滴露無  
焦枯我獨客不敢妄希骨肉相依貧亦樂不爾何用生爲  
人生在世獨客最苦苦有家不違居有衣不得服少至老  
冬榮堂集  
松心廬詩草卷六

三

無一日歡低雙眉可憐蟲聚一家天意誰知之苦獨客客  
苦自知人不知獨客不敢欺天守貞行素志不移天當知  
天知使獨客得所歸寸私稍慰涕漣瀾

譚緝之由粵西入成都來至永甯繞道赴滇作此以  
贈兼寄小樓姪滇中

我住丹崖四十日欲行屢止成趑趄秋深積雨已冬令薄  
寒中人切肌膚烏蒙城下甲馬阻雪山關外歲月始始云  
大方路可繞繼聞高山地名還坦途鎮雄逶迤抵滇境此  
道况爾誇通衢同人畏懦不敢進風聲鶴唳傳其誣踟躕  
使我日復日枯燈愁坐病弗蘇輾轉翻言我退怯可憐青

蠅無時無夫君迢遙走西粵湘沅一水連巴渝近更北行  
又南下翩翩裘馬來成都見我滯留啞然笑阮生涕淚長  
嗟吁我自珠江溯楚蜀炎蒸似火嚴程趨疔瘡未已敢耽  
逸戰栗瑟縮仍肩輿幸哉不死有天命豈不憚勞畏簡書  
及茲淹遲至於此春蠶縛繭將何圖君乃先鞭效祖逖後  
來居上事匪殊固知古昔功名士獨行已意終非迂監軍  
徒令專閫亂發言但覺盈廷疏詭謀直道動齟齬前車後  
轍若合符大兵滇海正克捷喜色相告羣歡呼五華我有  
萬里姪初從秦中到邊隅爲我報音說艱苦牽率老夫胡  
爲乎嗚呼牽率老夫胡爲乎一歌慷慨意色麤狂吟大叫

冬榮堂集

松心廬詩草卷六

古

聊歡娛

寄廣州故人

別君剛及荔子熟竭來又是梅花天相思遙遙數千里歷  
途楚蜀魂顛連蜀江險絕不可道楚江亦復堪人憐楚山  
蜀山並突兀陸程水程無一便經今兵戎道阻塞肅霜九  
月臨黔邊滯留旅館秋事盡煩憂如絮胸膈填彩雲何在  
結遐想碧雞空自瞻南滇悠悠此行百事變滄海幾欲成  
桑田我生窮薄信有命病魔擾擾虛睡眠故人宴居穠城  
北得毋念我懷殷拳尙記臨江一壺酒涼風噓動衣翩躚  
狂呼大笑且弗樂以視邇日應茫然山縣陰寒雨而月一

燈枯坐形拘牽得詩往往起夜半靜中思動由熬煎羊石  
倘許再尋跡壯心不異行登仙寄君此書當日省越王臺  
下蓮塘 地名 前爲我買鄰直千萬願就良友意所偏其餘  
玩好未足羨文犀珠蕙羞文淵嗚呼南枝巢越鳥喜與故  
國昏相聯簪組外物誠敝屣過嶺何日揮秦鞭

旅夜書懷

骨肉分飛今六地令人何以遣離憂况多疾病身孤寄復  
有干戈路阻修積雨山城雲似墨新晴旅館月如鉤茫然  
欹枕渾無寐欲擬張衡詠四愁

卽事六韻集杜

冬榮堂集

松心廬詩草卷六

五

歲暮陰陽催短景北書不至雁無情未聞細柳散金甲自  
得隋珠覺夜明臨穎美人在白帝成都猛將有花卿百壺  
且自開懷抱羣公固合思昇平赤縣官曹擁才傑異域賓  
客老孤城出門轉盼已陳迹肯信吾兼吏隱名

冬榮堂集

冬榮堂集

冬榮堂集

冬榮堂集

冬榮堂集

冬榮堂集

